

MUJIMBU WA CHIYOYELO CHAMI



Echenu tunongamenu mitwe yetu hatando yayindende tulombe.

Setu Yetu wamwaza wa Mwilu, echi chili vene nalusesa elu tuli nalyo lwakupandama kuli Ove, Kalunga na Mulwilo wetu. Kwivwa ou mwaso wamwaza, *Omu Wapwa Ove Wamunene*, unatuwu mumichima yetu mwomwo etu tunejiva nge Ove uli wamunene. Kaha etu twalombo ngana nge unene Wove nauya nakusoloka kuli etu mwamuhya, chingoloshi echi, nge omu tuli nakuhanjika. Kaha echi chaholokela hali yami, lwola lwa tete mumyaka yayivulu, kweseka kuya nakukinduluka muchiyoyelo chakunyima, kaha Ngwalombo ngana Ove nauya nakunguhana yami ngolo na—na ovyo Ngwakutondo, Mwata, kupwa muli elu lwola. Kaha echa kuhengesa cha chiyoyelo chami chosena chipwenga lilolwa lya kutumbuka kuli veka, chakuvaneha hakamwihi na Ove. Tuhanecho echi, Mwata. Echa vakashili vamone manganu ha usekulula walwola, kaha echa vakiko vapwenga vakutwaminyina kuli Ove. Vyuma evi etu twavilombo mu Lijina lya Mwata Yesu. Amena.

Munahase kupwa kutwama.

² [Ndumbu walunga Glover ngwenyi, “Unahase kulombelela chatete awa malesu shimbu kanda ove uputuke?”—Muka.] Nanguya nakupwa wakuwahilila. [“Kuli *vaze* na *navize* vakulombelela.”] Chosena chakwoloka, mwane, ngwakusakwilila. Nge ou lunga mukakujila, Ndumbu walunga Glover, uze ngunejiva jino mumyaka yayivulu, ngwapwanga na lusesa lwa kupwa na ikiye shimbu makumishilo achongoloshi. Kaha ikiye angulwekele yami vya...ikiye napunga muze na shimbulamo chindende, kunoka. Kaha jino, ha myaka yakusemuka sevete faifi, alina kukinduluka cheka mumulimo wa Mwata. Yami kangweshi chimbwa mu kuzeya nge omu Ngwapwile shimbu kanda Nguvwenga chizeko. Ngwashingtonyekele Ngwazeyele, oloze Kangwa—Kangwalifwelele nge keshi Yamiko. Ikiye ahakile kaha kuli yami hano malesu amwe, nge muchifwanyisa cha mayivolopu, na vyangocho, akiko apwile mukachi kaha akuhaka lyehi katachikijilo.

³ Jino, kala muthu ali mulifuchi muli chizaji, chipwe hano, uze alinakufwila lilesu limwe hali awa malesu, kaha enu mwahase. . . Vaze vaka Tembele ya Angelus veji kuwatumanga kakavulu, kaha lwola lwosena. Enu munahase kusonekela kuno hano ha Tembele ya Angelus kaha vakiko na vawalombelela, mwomwo Nangumilwiza enu chize nge chili Chisoneka. Elu lunapu lushiko lwa Kalunga.

⁴ Kachi enu nge namuya nakutonda yami kulombelela limwe lya yove, ika, Nanguya na kuwahilila kulinga ngocho. Ove ngusonekele ku poshita ufwishi ha keyala ya 3-2-5, 325, Jeffersoneville, kuyivuluka J-e-f-f-e-r-s-o-n-v-i, kavali le. Jeffersoneville, Indiana. Mokomoko kachi ove kaweshi kushinganyeka kayela ya poshita ufwishi, soneka kaha “Jeffersonville.” Ili mbongi yayindende, kuvula chavathu kafwe seti faifi sauzande. Kala muthu muze angwijiva. Kaha shikaho etu natupwa nakuwahilila kuwalombelela aze malesu na kuwatuma kuli enu.

⁵ Kaha, jino, etu twapwanga na kuhasa chachinene mukulinga echi, mwomwo...Ove nauya na kamukanda kakandende nakaka, kaze vathu mukaye kosena veji kulombanga chimene hi chimene ha ola ya naine koloko, na ha twefu kuloko na ha ola ya seli koloko. Kaha munahase kushinganyeka, mukaye kosena, lwola muka lwa ufuku vakiko vatela kuhinduka na kupwa na kulomba. Shikaho kachi awa masauzande teni, kuwavulisa na kuhetesa ku teni sauzande, vali na kutuma malombo avo kuli Kalunga ha lwola lwolumwe hali ou mulimo, misongo yenu, Kalunga keshi kuhasa kuyifumisako. Kaha shikaho jino etu, nge omu Ngwahanjikanga, etu katweshi na kwala chimweko, etu katweshi na kutonda peni ya mali ko. Etu tuli kaha...Kachi etu natuhasa kukukafwa ove, chize kaha chikiko etu tuliko hano kunahu. Kaha echa etu... .

Muthuumwe ali na kuneha mukuta ukwavo wa malesu.

⁶ Jino, kachi ove uli na lilesu ove watondele kutuma, chamwaza, kahajino ove soneka, kaha. Kachi ove kawalitondeleko oho lili jino ko, lilame mu Mukanda wa Vilinga, mu Mbimbiliya, ya kapetulu 19. Kaha eka na kakapwa muchifwanyisa ka kalihina kakandende kaze navakamitumina enu, na jindondelo omu mwakulikonekela shili jenu chatete. Kaha (ngwamisakwilila) omwo mwakulikonekela jishili jenu. Enu kakwatela kweseka kutambula chuma chimwe kufuma kuli Kalunga chakuzeneka chatete enu kupwa wakwoloka na Kalunga. Talenu? Kaha jinonyi enu vanamihane jindondelo omu mwakusanyikila ou mwalihata nenyi kwingila, na pashita yove. Kachi ove ukwechi chuma chimwe mukachi ka muchima wove hali kala muthu, yako ucholole chatete, kaha kinduluka. Kaha jinonyi lombaa, pwenu na kuliwana cha kulomba mumazuvo enu, kaha haka eli lilesu mwishi ya chikuto chove, kahajino fwelela Kalunga. Kaha jize jiola jitatu, ha likumbi, na kupwa vathu kumwe mukaye na vali na kulomba, cha lilenge mukaye kosena.

⁷ Kaha jino echi chinapu chove, chili vene chawana, tuma kaha. Kaha—kaha, jino, etu katweshi kuhasa kusoneka kuli enu nakumilweza enu nge mutufwete mokomoko tumilweze enu kwala chimwe echi etu tuli nachoko. Etu twatondo enu kukafwa echi kwala, oloze etu katwatondele—katwatondele umwe muli

enu kutukafwa. Talenu? Shikaho enu. . . Echi kacheshi kumbata keyela yenu, ili kaha kuwana mwakumitavila na mulimo wa Mwata, ou tuli etu nakweseka kutwala kulutwe.

⁸ Jino echenu tunongamenu mitwe yetu. Kaha uli mulifuchi muli chizaji, pwako na lilesu lyove okwovene, haka kaha livoko lyove halikiko shimbu natulomba.

⁹ Mwata wa Likoji, etu tunanehe kuli Ove etu tuma twatundende, pamo tumwe twasoloka pamo kupwa twatundende twakufwana nge tuuvwalo twa va kamba, mokomoko—mokomoko tumwe twatundende twakwishi ya chikovelo, mokomoko pamo tusapato twatundende, mokomoko—mokomoko chuma, lilesu, etu tuli na kuya kuli vaka kukola na kuli vaka kuyanda. Mwata, echi chili kutesa na Lizu Lyove tuli nakulingila echi. Mwomwo etu twatange, mu Mukanda wa Vilinga, nge vafumishile kumujimba wa ngamba Yove, Paulu, malesu na tumahina, mwomwo va fwelelele nge Shipilitu Yove yapwile hali uze muthu. Kaha ma shipilitu vavapi valojokelenga muli vathu, kaha kuyanda na misongo ya vasele vakiko, mwomwo vakiko vafwelelele. Kaha jino etu twatachikiza, Mwata, nge etu katweshi yetu Mukakujila Paulu ko, oloze etu twatachikiza nge Ove wasala kupwa lika ove Yesu. Kaha etu twalombo nge Ove nauya na kuvumbika lufwelelo lwa va vathu.

¹⁰ Kaha vachihanjikaho lyehi nge ngwavo omwo Isalele, esekele kwononoka Kalunga, vavakwachile muli kambwila, kalungalwiji kulutwe lwavo, jipili sali na sali, kaha maswalale ja Fwalo kupandama. Kaha umwe ahanjikile ngwenyi, nge “Kalunga atalile mwishi kuhichila muli ize Panda ya Kakahya, na meso autenu, kaha uze kalungalwiji alizakaminyine kaha alivungile hanyima yavene, na kupanga jila yava Isalele kuzauka kulifuchi lya lushiko.”

¹¹ Ove Mwata, tala mwishi cheka, omwo etu tuma navakatusavalika ha mijimba ya vaka kukola kwanuka Lizu Lyove lya kuyoya. Kaha echa misongo yilizakamine, tala kuhichila mu Manyinga a Mwan Ove, Yesu, Uze afwile hali echi kutomesa. Kaha echa uze mukakole alizakamine afume ayenga, mangana ava vathu vahase kuya mulushiko, nge “Helu lwa vyuma vyosena,” nge echi chili kufwila Chove “nge tufukile mukulikangula.” Tuhanecho echi, Tata, mwomwo etu twatumu echi na chize—na kufwila mumichima yetu. Kaha echi chinapu kujina chetu. Etu twachitumu mu Lijina lya Yesu Kulishitu. Amena.

Ngwasakwilila, Ndumbu wa lunga Glover. Ngwasakwila, mwane.

¹² Jino, ufuku uno kupwa kusoka cha echi chihanda cha kuhizumuka, Ngwahono kutachikiza nge navauvilika ha chisaji nyi nduma, oloze Ngwatondo kuhanjika (nge chiku)

kuchisaji chalikungumbuwa, nge echi chinapu kuliwana chimwe chamwaza chize Ngwapwilenga nacho ha myaka yayivulu, myaka yayivulu. Echi chinapunga chakulinunga, chaukangule, cha kuzanga chikuma, kuliwana cha kuzachila hamwe chize Ngwemanyinyine lwola lwaluvulu.

¹³ [Ndumbu umwe ngwenyi, “Etu tuli ha peho palanga kuhambakana naha fwoo koloko, ndumbu walunga. Kaha vali naku kwivulila ove, kwosena nakukuto ya California, mbwe na kumatungu, na mujimbombolo. Etu tweji kutambulanga mijimbu kufuma kuli vakiko. Kaha shikaho ukwechi likungumbuwa lyalinene, masauzande na masauzande a teni.”—Muka.] Ngwasakwila, mwane. Ocho chili chamwaza chikuma. Kuwahilila kwivwa ngocho. Kalunga amikisule enu vosena.

¹⁴ Kaha punduvene Ngweji kupwanga lwola lwosena na chihela chakuzuma mukachi ka muchima wami ha Tembele ya Angelus, mwomwo yemanyinako kuzalilila cha Mujimbu wamwaza wa Yesu Kulishitu. Kaha, jino, echi—echi chinakupwa jino hauthu kuli yami jino. Echi chinasoloka kupwa nge, hanyima ya kuliwana mthuwosena na kulimona shipilitu yavo ya mwaza, Ngwasoloka nge Nguli kaha nge kuhambakana umwe wayenu kuhambakana omu Ngwapwile. Kalunga amikisule, chikiko kulomba chami. Kaha. . . [Likungumbuwa kuhanjikila hamwe—Muka.] Ngwasakwila, mwakulikehesa.

¹⁵ Jino, echi vachihanyine lize likumbi nge Ngupwenga wakulikehesa kuhanjika kuli enu chindende ha: *Mujimbu wa Chiyoyelo Chami*. Chize chili—chuma chachikalu kuli yami. Echi nachipwa lwola lwatete Ngunesekenga kuupandama myaka yayivulu. Kaha Kangweshi kupwa na lwola lwakwingilamo mukujiminyina ko, oloze chihanda kaha. Kaha, muno, Ngunapunga na kuluwisa chachivulu, kulinga kakavulu vyuma vya kuhenga. Kaha Nanguya na kufwila, nge muli mulifuchi muli chisaji na yenu muli muno, nge kanda namuya na kumbata kuhengesa chami nge lilolwa lya kuholokelahoko, oloze lipwenga lilolwa lya kwimanyinaho kumineha enu kwakamwihi na Mwata Yesu.

¹⁶ Kaha jinonyi, ufuku uno, makti akulombelela vali nakuya nakuwahana mukutanga chaufuku uno. Jino, omwo etu natuya nakuhanjika ha *kutanga cha kuka*, kachalumbunukile nge tulinakuya nakuhindula mthuumwe ko, etu natuya naku “lombelela mthuumwe.” Kaha Kalunga ikiye mukakuka. Ikiye apwa kaha walikoji kuli yami, nakukumbulula.

¹⁷ Kaha Ngwapwanga na kuhanjika na fumbelo ya mukakwambulula mujimbu wamwaza wa puho, hano lwalo lwa kuyima, kaha—kaha vahule ngwavo mwomwo ika ou muka kwambulula mujimbu wamwaza ahona kulombelela vakakuviza. Kaha uze muka kwambulula mujimbu wamwaza akindulwishile ngwenyi—uze fumbelo wa kuliwana chami,

ngwenyi, “Kachi...” Ou muka kwambulula mujimbu wamwaza afwelele mukuhinduka cha Ukalunga. Oloze kachi ikiye mwaputuka kulombelela vakakuviza, kaha nachineha kukika kutangisa chenyi mwomwo ikiye veji kumukafwanga kumauka. Mauka amavulu, kaha amavulu osena, kawafwelela mukuhinduka cha Ukalunga ko.

¹⁸ Shikaho Nguli na kavumbi na kalemesa hali ou muka kwambulula mujimbu wamwaza mwomwo ikiye ali nakulama chihela chenyi, kwimana hamulimo wenyi. Ikiye pamo nahase...Kangweshi kuhasa kumbata chihela chenyi, kaha Nangukakasana nge ikiye nahase kumbata chihela chami. Etu vosena tuli na chihela mu Wangana wa Kalunga. Etu vosena vanatunungu hamwe. Mawana akuhandunuka, oloze Shipilitu youmwe kaha. Kusoloka chakuhandunuka, Ngwatwale mukuhanjika nge, oloze Shipilitu youmwe kaha.

¹⁹ Kaha, jino, kutanga chaufuku uno nachiputuka na... Ngwashinganyeka vakiko ngwavo kukunguluka nachiputuka na sikisi seti. Kaha, jino, kachi ove uli kuweluka wa lifuchi muli chizaji, twa muno wivwulile kuli echi. Chili...Chili nakuya nakupwa chamwaza, lwola lwosena.

²⁰ Kaha jinonyi Ngwakutonda kuhanjika ngana nge makati akulombelela navaya nakuwahana vene hanyima ya echi kutanga, hanyima tuhu ya kulimwanga cha echi kutanga, kachi ove uli hano kaha unatondo kati yakulombelela. Vangulwekanga omu mukatando kakandende hanyima ha, mwanami walunga mokomoko Mukulwane. Mercier mokomoko Mukulwane. Goad, vakiko navaya na kuhana makati akulombelela. Enu twamenu kaha muvitwamo vyenu. Hanyima tuhu ya kulimwanga kutanga, ove twama kaha ha chitwamo chove shikaho vanyike vamaunga vahase kuhita mumukana mangana vahase kuhana makati akulombelela aze muwashiwashi. Chize nachipwa muze muchipango mokomoko vali hamavu, chipwetuthu, valimwishi hamavu mokomoko chipwetuthu hoshoho ove uli, twama kaha muchitwamo chove kaha vanyike vamaunga navatachikiza nge ove uli haze mwomwo ya kati ya kulombelela. Kaha jinonyi ufuku uno natuya nakulombelela va kakuviza. Kaha kachi nge Mwata mwahona kwalumuna vishinganyeka vyami, Ngwakutonda kunangula ha mutwe wachihande ufuku uno, *Kachi Ove Nauya na Kutulweka Etu Uze Iso, Echi Nachiya na Kutusuwulwisa Etu.*

²¹ Jino Ngwatondo kutanga hali ou mutwe chingoloshi chino, kuputuka kaha *Mujimbu wa Chinyoyelo*, wakuwanywa mu Mukanda wa Hepelewu, ha kapetulu 13, kaha echenu tuputukile hano hali...Ngwambenga nge ha vase ya 12.

Ngocho na Yesu nawa, hakukava ngwenyi, avajilike vathu namanyinga enyi yivene, shikaho ayanjivulile kusali ya chikolo.

Shikaho tulovokenu...tuyenu kuli ikiye kusali yachilombo, nakumbata kutoleka kana vamutoleka.

Mwomwo hano etu katweshi nalimbo lyakushimbulako, oloze tweji kusakanga lize naliza.

22 Jino muyachi wa mutwe kana. Omwo, mwamono, kachi uli mujimbu wa chiyoyelo, mokomoko kala chuma chakutwala kukuyoya cha muthu, etu katwatohwesa chizeko, kaha chikumanyi nge—vyakunyima ya muthu, kachi yinapu yilava nge omu yinapunga yayami. Oloze Ngwashinganyeka, kachi etu natutanga Chisoneka, Kalunga mwaya nakukisula Chisoneka. Kaha chishinganyeka chami chili:

Nge hano katweshi na mbongi ya kutwalilahoko, oloze etu tuli nakutonda ize yili na kwiza.

23 Jino, Ngwatachikiza nge enu muli chikuma kupwa nge Los Angeles. Enu muli na lisesa lyakupwa ngocho. Chili cha chinene, mbongi ya mwaza. Na chishishi chacho na vyangocho, oloze yapwa mbongi yamwaza, kusoloka chamwaza. Oloze eyi mbongi kayeshi katwalilahoko, yatela kupwa nakukuma.

24 Ngunemananga Loma (kuze kwatwama mukakuyula wamunene) kaha jimbongi jize vakiko vashinganyekele vakiko kutunga chakuzenga kufwa, kaha vafulile twende fiti kuheta namaputukilo acho.

25 Ngunemana haze kuze Fwalo apwilenga na mawangana enyi amanene, kaha ove naufula mumavu nauwana haze Fwalo wamunene ayulilenga.

26 Tuvosena tweji kushinganyekanga ha mbongi yetu na chihela chetu. Oloze, anuka, kayeshi kwimanako.

27 Omwo Ngwapwile kanyike wamundende Ngwapwilenga nakuya ku mutondo waunene. Mulifuchi lyami etu twapwilenga na mitondo yakukola. Kaha jinonyi etu twapwilenga nou mutondo, unyekemena, kaha ou tweji kuvulukanga ngwetu “mutondo wakukola” na “mutondo wauwvovwu.” Ou mutondo wa kulijinganjinga, wapwilenga mutondo wamwaza chikuma kuma. Kaha omwo nangufuma kumawande, na kuzata mumwila wa kulya vangombe kaha—kaha na kwaha, Ngwazangilenga kuya kuli ou mutondo waunene kaha—kaha kutwama mwishi yawo kaha—kaha kutala kwilu. Kaha Nangutala unene wacho, mitango yacho yayinene kuhuhwa na peho, mutango waunene. Kaha Ngwambile ngwami, “Munatachikiza, Ngwafwelela nge ou mutondo nauya na kupwa hano myaka handulendi na myaka ji handulendi.” Keshi hanyima chikumako Ngwambachile na kutala ha uze mutondo wa mwaka, uli kaha chimbuji.

28 “Mwomwo hano katweshi na limbo lya kutwalihoko.” Nduma, kakweshi chuma chimwe hano hamavu chize nautalaho nachikaya nakutwalilaho ko. Chize chatela kuya nakukuma. Vyuma vyosena vize vili vya utu vyatela kuya nakuhana kupola.

Shikaho numbatuhu natunga jijila jetu jamwaza, natuwahisa ngachilihi vyetu vyakutunga, vyosena vyatele kuya, mwomwo hano kakweshi chumachimwe chinahase kutwalilaho ko. Shina kaha vize Vyakuhona kumona vikiko kaha vya kutwalilaho.

²⁹ Ngunanuka zuvo ize etu twatwaminengamo, yapwile zuvo yamwaka yakushita yakutunga na mingowa ya kusota na ndambo. Ngu... Pamo vamwe vavavulu kanda lyehi vamone zuvo yakusota na ndambo. Oloze yapwile yosena ya kusota na ndambo, kaha ize mingowa yayinene yize yapwilenga muzuvo yamwaka, Ngwashinganyekele nge ize zuvo nayimananga mu myaka handulendi. Oloze, munatachikiza, lelo haze hapwile ize zuvo hanemana ufwishi yakutungisa jizuvo. Chili chikuma chakuhandunuka. Vyosena vinalumuka. Oloze...

³⁰ Kaha Ngwapwilenga na kumona tata yami, ikiye apwile vene wamwihi, lunga wakushita, wangolo chikuma, kaha ikiye apwile umwe hali vase malunga vavandende vangolo vase Ngwatachikijile. Ngwaliwanyinene na Mukulwane. Coots, mukwetu uze ikiye apwilenga na kuzata mumingowa, ikiye apwile mukakwaha mitondo, kaha mwaka umwe hanyima, kaha Mukulwane. Coots apwile sepa lyami umwe wamwaza, kaha mukakuzata muliuka ya Mbaputishiti ya Tete, kaha ikiye ngwenyi, "Billy, ove watela kupwa lunga wangolo chikuma."

Kaha Ngwambile ngwami, "Nduma, Yami kangweshiko, Mukulwane. Goots."

³¹ Ikiye ngwenyi, "Kachi ove watambwile kuli iso, kachi ove naupwa." Ngwenyi, "Ngwamwene uze lunga, alemene kuheta ku handulendi na fwote pounds, kulongejeke litemba lya mingowa ukawenyi, lyalemene naine handulendi pounds." Ikiye atachikijile mwakulingila. Ikiye apwile wangolo. Ngwamumwenenga ikiye kwiza kuchihele chino nakusana na kupwa wakulizanga kukulya chaufuku, omwo Mama ahashilenga kumusanyika ikiye.

³² Kaha twapwilenga na mutondo wamwaka wa mu apple kulutwe lwa yandi, kaha jinonyi kwapwile yitatu chipwe yiwana yayindende yahichile kuyima. Kaha muze vene mukachi kauze mutondo mwapwile chivanjilo cha mwaka chakulitalila, yapwile ya kuhokoka, chivanjilo, imwe yayinene. Kaha vayipapalile ha sali yauze mutondo na jimbambo jakufumba. Nge omu chapwa kuli enu vakakusonga mulinakwivwulila munahase kuyivuluka "hacusukika kochi." Ikiko vayifumbile mangana yikwate chize chivanjilo muchihela chacho. Kaha kuze kwapwile chifwoyo chamwaka chakusakwila. Vangahi vamaona lyehi chize chifwoyo chamwaka... chize chamwaka-chifwoyo chamuyachi wa mwaka chakusakwila? Kangwachimonako chize.

³³ Kaha kwapwile litanda lya kusanyina, lipulanga kaha lya kusendeleka na lihinji limwe mwishi lyacho, lya kupapalila ha mutondo. Kakandende, kamwaka, chimbwa cha likina lya

sulufulu lize etu zachishilenga kushinjika meya kulovoka, kaha twasanyinenga muli ou mutondo wa mwaka. Kaha Mama ambachilenga jeke yaunga kutunga malitwayi. Kala muthu muno azachisaho lyehi jeke yaunga kupwa litwayi? Chamwaza, Yami nguli nakwivwa kaha nge Nguli hembo jino. Kaha jize jajinene, malitwayi jamwaka jakukwalala! Kaha omwo ikiye kachi mwatusanyisa etu vanyike, Ikiye apwilenga na . . . kwivwa nge ikiye alinakutumuna lilambu nakulifumisaho lwola lwosena ikiye atumwinenga. Kaha Ngunahase kwanuka ize jeke yaunga yamwaka. Kaha ikiye ahashilenga kukokamo wanda umwe, na kupanga mizelele yayindende, kweseka kulinga lindeko muli chize.

³⁴ Vangahi muno vasavalaho lyehi ha visachi? Chamwaza, Nanguya—nakuhanjika ngwami! Vangahi vatachikizaho lyehi musawu wa viyawu omu wapwa? Chamwaza, Ndumbu walunga Glover, Yami nguli hembo jino, pundu vene! Visachi, chamwaza, echi chinapunga cha kushimbula kufuma haze Ngwejile nakufumaho hali umwe, kaha echi chapwile . . . Mamalelo, chili—chili kusavala chamwaza, chakuunda. Kahajino mulwola lwa chishika vakiko vambachilenga kahela kamangona amwaka na kwalaho, munatachikiza, kaha na kumbata chihanda cha ulondo nakuhaka helu hali etu mwomwo Mbundu yachishika yapwile na kuhuhwa muli ize—ize—ize myaji yaize zuvo, munatachikiza, kuze kwapwilenga litanda lya katambo lyahashilenga kwalumuka helu, munatachikiza, kaha ize Mbundu naipwa nakuhita muli ikiko. Kaha, mamalelo, Ngunahase kwanuka chize kanawa kanawa.

³⁵ Kaha jinonyi Tata apwilenga na kuzachisa mukumbo wa kutewisa. Ngwa . . . Jino echi nachiya nakukumbata ove. Wapwile wakufuma kuviyawu wavihungu, mukumbo wa viyawu wavihungu. Ikiye ahashilenga kumbata sopo ya mama ya meya yamwaka ize ikiye apangile, kushila na kuhaka kumeso enyi na mukumbo wakufuma kuviyawu wavihungu, na kututeula na yayinene, leza yamwaka yakwoloka. Kaha ha Sondo ikiye ambachilenga chize—chize chihanda cha lipepa, kupachika kujingulwisa kukhola yenyi, vakiko vavyalilenga jikhola ja ndundu na kuyjingulwisa khola nge ngana kulama ize—ize—ize lilambu kuhona kufuma ha khola ya chikovele chenyi. Mwamonaho lyehi echi kulingika? Mwomoika, yami, yami!

³⁶ Ngulinakwanuka kaselwoke wamundende wa mwaka kwishi, kuze etu twapwilenga na kuya nakumbata meya akunwa, na kumbata nakufumisa meya kuzachisa chitenga chamwaka. Vangahi vamonaho lyehi chitenga? Chamwaza, vangahi muli enu vakufuma ku Kentucky, kalatuhu? Yaa, chamwaza, tala kaha hano hali vaka Kentucky. Chamwaza, yami, Nguli—Nguli wa kwoloka ha . . . Ngwashingtonyeka vosena vapwilenga vakakufuma ku Oklahoma na Arkansas kwiza kuno, oloze kusoloka nge Kentucky ili na kwenda. Chamwaza, vakiko

vapwilenga na kutunga maji mu Kentucky tukweji vavandende hanyima aha, munatachikiza, shikaho pamo vaze vakiko vamwe vapwile nakwiza muli eyi jila.

³⁷ Kaha jinonyi Ngunanuka omwo Tata apwilenga nakwiza nakwingila na kusana ku kulya chaufuku, ikiye avungilenga mavoko avichikovelo venyi, kaha aze mavoko akuhima. Kaha omwo ikiye mwakoka mavoko enyi mangana asane, kwasa meya kumeso enyi, aze mishisa kulivungila muli aze mavoko enyi amandende. Kaha Ngwambile ngwami, “Munatachikiza, tata yami mwakayoya na kupwa na myaka handulendi na fifite.” Ikiye apwile wangolo chikuma! Oloze ikiye afwile ha fifite tu. Talenu? “Hano katweshi na mbongi ya kutwalilahoko.” Chize cha kwoloka. Etu katweshi kutwalilaho.

³⁸ Jino echenu tumbate chindende mushipili, etu vosena. Kuli enu vamwe enu muli hano muli na mujimbu wa chiyoyelo, nge omu Ngulinawo, kaha chili chamwaza kufula muchihela chakulama vyuma lwola lumwe na lumwe. Kamweshi nakushinganyeka ngocho ko? Yenu kaha kunyima, kaha echenu tuvosena tuyenga kunyima ha lwola lumwe na lumwe, kunyima kukuhitamo nge vana vavandende.

³⁹ Kaha jino chihanda chatete cha mujimbu wachiyoyelo. Nanguuhana chindende na kukwataho, ’mwomwo uli mukanda kaha enu vavavulu muli nou mukanda.

⁴⁰ Ngwasemukile muka zuvo kakandende mupili, jila yakukanduka helu mujipili ya Kentucky. Vakiko vapwile nakapete kamwe kaze etu twayoyelengamo, numba lilambu hamavu lyauchiho, chipwe tuhu lipulanga hamavu, hapwile kaha hamavu hamokomoko kaha. Kaha mutango, helu lya mutango wakuvatula na mahinji atatu haukiko, ize ikiko yapwile mesa yetu. Kaha vosena vaze va Branham vavandende valilumbikile na kujinguluka kuze, kaha kuze kulutwe lwa yakaze kazuvo kandende kamwaka, kaha kulyalanga, kusoloka nge kuze kwatwama lizavu lya va seji vaze vanalyalanga muze mulukungu, munatachikiza, vosena vaze vandumbwami vamaalunga vavandende. Twapwile tuvosena naine, umwe kaha wapwevo wamundende, kaha ikiye apwile vene na lwola lwalukalu mukachi kalizavu lya vanyike vamaalunga. Etu twatela kumulemesa lelo kufuma kuvwuma vize twalingile mumakumbi aze. Ikiye kahashile kuya nayetu kumweko, etu twamukindulwishilenga, ikiye apwile wa pwevo. Shikaho kahashile kuchimbatako, munatachikiza. Shikaho etu twapwile na . . . Kaha vosena . . .

⁴¹ Anuka kunyima yayize mesa etu twapwilenga na vitwamo vivali kunahu, kaha vikiko vavitengele kufuma kujingoji. Shina kaha vupu ya mutonda wakukola kuhaka hamwe, kaha matako acho akutunga na jingoji ja ou mutondo wakukola. Kuliko umwe amona lyehi chitwama cha kufuma kumutondo wakukola?

Yaa. Kaha Nguli na kwivwa Mama jino. Mamalelo, halutwe omwo etu twahetele muchihela muze ikiye apwile na kupwa na mavu amitondo, na vaze vakemba hamahinji eyi nge *ngana*, na kundengandenga nge chitwamo chamwaka kuvuma ngo, ngo, kuvuma ha mavu. Kaha Ngunanuka kulama vaze vavandende kuhona kufuma muze muchikolo, omwo ikiye apwilenga na kukosa mokomoko kulinga vimwe, ikiye mwatulika chitwamo hamavu kaha mwachalumuna nge kukujika muusuku wacho talasana na lipito, kulama vaze vanyike kuhona kulovoka shimbu mwaya ikiye nakuswita meya mukaselwoke, na vyangocho.

⁴² Kaha Mama apwile na myaka fifiteni yakusemuka omwo Ngwasemukile, Tata apwile eyiteni. Kaha yami watete hali vaze vana naine. Kaha vakiko vangulwekele yami nge chimene chize Ngwasemukile. . .

⁴³ Jino, etu twapwile vakuhutwa chikuma, vaze vakuhutwa kuli vakakuhutwa. Kaha etu katwahashile numbatuhu kupwa na njanene muze muzuvo ya yindende. Yikiko yapwile kaha na lipito lya mutondo lize unahase kusokolola. Ngunahase kukakasana nge enu mwamona lyehi chakufwana nge chize. Ka lipito kakandende lya mutondo lize lya sokolokelenga kuhambakana njanene, kuvanga lipwenga lya kusokoloka mulwola lwa musana kaha enu kulisoka haufuku. Etu katwahashile kumunyika kahya kakeji mokomoko chipwe tuhu kuwika katolitoli kamaji mumakumbi azeko, etu twapwile nevi vali nakuvuluka “katolitoli ka ngilishi.” Jino, Ngwahono kutachikiza nge mwatachikiza omu katolitoli ka ngilishi omu kapwa. Chamwaza, enu ngwenu ika. . . Kaha enu mwalandaho lyehi. . .mwawika lyehi lijiko? Mwomwo mbatenu kaha lijiko na kulimunyika kaha lihakenu ha chifwiko, kaha nalikwata. Kaha lize lili. . .lya wishi chindende, oloze vakiko kavapwile navitwamoko, mwosena, numba vinehe wishi. Shikangaho chili kaha. . .zuvo yapwilenga na wishi. Wafuminenga kanawa ’mwomwo mwapwile fulumba yayinene haze mangana ukiko uhite kanawa. Shikaho chili. . .

⁴⁴ Kaha ngwasemukile mu Kambambanalisa ha—ha 6, 1909. Eyo, munatachikiza, echi chinangulingisa yami chindende helu lya twende faifi jino. Kaha shikangaho, chimene chize Ngwasemukile, Mama ngwenyi ngana vakiko vasokolwele helu yaize njanene. Jino, etu katwapwile nava ndotoloko, kuze kwapwile mukakupapisa kaha. Shina. . .Kaha uze mukakupapisa apwile kaka yami. Kaha shikaho omwo Ngwasemukile kaha maputukilo ami akulila, kaha—kaha Mama atondele kumona mwanenyi. Kaha—kaha ikiye apwile kuhambakana mwana kuli ikiye. Kaha omwo vakiko vasokolwele helu yaize njanene yayindende, kukuku lya kucha, pamo na faifi kuloku. Kaha ize. . .Kuze kwapwile kasendautundu wa mwaka kutwama kusali ya musenge

waundende. Nge omu enu vosena munamono chize chifwanyisa chacho mu—muze mumukanda wami wa mujimbu wa chiyoyelo chami. Uze kasendautundu wa mwaka apwile natwame haze kaha nakwimba vyosena vyapwile muli ikiye.

⁴⁵ Ngwazangilenga lwola lwosena tusendautundu. Jino, enu vanyike vamaunga muli mulifuchi lya chizaji, kanda kwasa tujila twamiko. Mwamono, vakiko vapwa—vakiko vapwa—vakiko vapwa. . . Vapwa tujila twami. Mwevwaho lyehi mujimbu wa kasendautundu, omwo atambwile chize kuchilana hatulo yenyi? Nangwimana hano chindende. Omwo atambwile chize kuchilana hatulo yenyi. . . Kuze kwapwilenga Mwangana wava myangana apwile na kufwa likumbi limwe ha Kulusu, kaha Ikiye apwile na kuyanda kaha naumwe pimbi ahashile kwiza kuli Ikiye. Ikiye kapwile naumwe wakumukafwa Ikiye wauchi. Kaha kuze kwapwile kakajila kausungwa atondele kufumisa jize jimbambo haze ha Kulusu, kaha ikiye atwalileho kutuka haze ha Kulusu na kuchekangiza jize jimbambo. Ikiye apwile wamundende chikuma kuhasa kujikokamo, kaha ikiye alingishile tulo yenyi kupwa na ichila na manyinga. Kaha kufuma haze jinonyi tulo yenyi yapwa lika ichila. Kanda kumwasa ikiye ko, vanyike vamaunga. Mwechenu ikiye ukawenyi.

⁴⁶ Ikiye atwamine kusali ya njanene, kuwahilila na kwimba nge kasendautundu. Kaha—kaha Tata ashijikile ize njanene hanyima. Kaha omwo vakiko vashijikile lize lipito lya njanene yayindende hanyima, chize Kumunyika chize enu mweji kumonanga muchifwanyisa chejile muka kundukundu kwingilila muze mu njanene, mama yami ngwenyi, kaha yemanyine hali uze kahela. Kaka katachikijile nomu mwakuhanjikila ko.

⁴⁷ Jino, etu tuli. . . twapwilenga chisaka chakuzeneka kufwelela. Vathu jami vapwa vaka Katolika. Yami ngwapwa ka Irish kusali josena jivali. Tata yami ka Irish chikupu, Branham. Mama yami apwa ka Harvey; kaha, ise ambachile ka Cherokee Indian, shikaho chize chahokwele mukana wa manyinga waka Irish. Kaha Tata na Mama kavayilenga kuliuka ko, kaha vakiko valimbachile kusali ya liuka kaha vakiko kavapwile numba tuhu kulifukula ko. Kaha kunyima kuze mujipili muze kamwapwilenga numba tuhu liuka lya Katolika ko. Shikaho vakiko vejile mulwola vakakutunga vakulivanga, va Branham vavali vejile kuze, kaha kufuma mukulovoka cha chize chisemunuino cha vaka Branham; hakiko chisemunuino cha chisaka.

⁴⁸ Kaha jino ikiye asokolwele. . . Omwo vakiko vasokolwele eyi njanene kaha echi Kumunyika chemanyine haze, vakiko kavatachikijile mwakulingilako. Tata amulanjilile ikiye (Mama ngwenyi) maovoloshi avali amaha hakusapuluka. Ikiye emanyinene na. . . na mavoko enyi mukalihina kahatulo

muovoloshi yamwaka, nge vakakuteta mitondo na kulongejeke omu vapwilenga makumbi aze. Kaha echi chavavwishila woma vakiko.

⁴⁹ Chamwaza, kufuma haze Ngwapwile pamo na makumbi teni kufuma hakusemuka, mokomoko chumachimwe, vakiko vangutwalile kuliuka lyalindende lya Mbaputishiti vavuluka ngwavo “Wangna wava Khala,” Wangana wava Khala liuka lya Mbaputishiti. Lize lijina kana. Kuze kwapwile mukakunangula wamwaka hamalati, muka kunangula wamwaka ka Mbaputishiti ejilenga kuze pamo kamwe mutukweji vavali. Ha...Vaze vathu vapwilenga nakwiza hamwe nakutanga chachindende, vakiko vayilenga nakwimba myaso yimwe, oloze vakiko vapwilenga nakunangulanga hajiola jimwe hali uze kaposhi kamalati. Vakiko vamufwetelenga ikiye hamwaka hamwaka na jeke ya mapungu na vyuma vimwe ngachize, munatachiza, ngachize vathu vakatukilenga nakuhana chize. Kaha uze mukakunangula wamwaka ejilenga, kaha ikiye angulombebelele yami nge kanyike walunga. Ize yapwile mushipili wami watete kuya kuliuka.

⁵⁰ Ha mwaka pamo...chumachimwe chindende ha myaka yivali kufuma hakusemuka, chimweno chatete chasolokele.

⁵¹ Chamwaza, vakiko vachambulwile mujipili kuze nge echi Kumunyika chejile. Shikaho vesekele mwakuchitwalila. Vamwe mulivakiko ngwavo pamo yapwile mitelezeji ya musana kufuma ha chivajilo muze muzuvo. Oloze muze kamwapwile chivajilo ko. Kaha musana kanda ututuke, shikaho kwapwile mukuku lya kucha, ha faifi koloko. Kaha jino, mamalelo, vakiko vachihichishile vene Echi ngocho. Kaha omwo Ngwapwilenga pamo...kupandama kwakamwihi na myaka yitatu yakusemuka... .

⁵² Jino, Ngwatela kupwa wakushishika. Kuli vyuma vimwe hano vize Kangwasakile kuhanjika ko, kaha Ngwafwila kachi Nguchizomboke echi na kuhona kuhanjika echi. Olozenyi, kulweke muchano, enu mwatela kulweka muchano nge chili hali enu mokomoko vathu jenu. Pwako wakushishika hali echi, kaha jino nachipwanga lwola lwosena mwomumwe.

⁵³ Tata yami apwile hahasuku na kupwa muthu mukakulifukula. Ikiye apwilenga muyachi wakanyike wa mujipili wakunwanga kaha, lwola lwosena. Kaha ikiye aliwanyine muukalu mwomwo wakuzunga ndombo, kaha kwapwile malunga vavali mokomoko vatatu ahashile kutonda kujiha omu vapwile vakiko nakuzunga, kulyasa, na kulivatujola umwe namukwavo na jipoko, kuze kwapwile chiwanyino muze vene mujipili. Kaha Tata apwilenga twamina umwe hali eji jindombo, mwomwo vakiko vapwile na sepa lyenyi apwile na kwivwa kukola, kaha avetele muthuumwe na chitwamo. Kaha apwile... .Uze lunga apwile na poko kaha apwile na kuya

avatule sepa lya Tata haze hamavu na poko yenyi, kuyingisa mumuchima wenyi, kaha Tata engililemo. Kaha ngwafwelela yahashile kupwa ndombo yayinene, mwomwo vakiko, kufuma kwakusuku ku Burkesville, tunda yayisuku, vakiko vatumine mukakusopesa amukwate Tata, ha chimbulu.

⁵⁴ Shikaho uze lunga apwile muze kuswanga kuheta ha seteko ya kufwa. Pamo vathu jenyi vamwe vali muno na kwivwulila. Nanguya na kumuvuluka lijina lyenyi, Will Yarbrough likiko lijina lyenyi. Vakiko kafwe. . . Ngwashinganyeka vamwe vavo vali mu California, vana yenyi vamaunga. Oloze ikiye apwile chingazule, lunga wa Ngolo chikuma, ajile mwanenyi walunga na mbambo yakutungisa chipato. Shikaho ikiye—ikiye apwile wangolo chikuma kaha muthu wamupi. Kaha shikaho kuze kwapwile ndombo yayinene yajipoko mukachi ikiye na Tata. Kaha tata yami ahetele haseteko yakumujiha uze lunga, shikaho ikiye achiyine na kuseza Kentucky na kwiza kusali ya kalwiji ku Indiana.

⁵⁵ Kaha ikiye apwile na ndumbwenyi walunga ayoyelenga kuze, ha lwola luze, mu Louisville, Kentucky, apwile mukakufawe mukulwane wa Wood Mossic Saw Mills mu Kentucky, mu Louisville. Kaha shikaho Tata ejile nakuwana yayenyi wamukulwane walunga. Tata apwile kanyike hali vana vamaunga vosena, ha vana seveteni. Kaha shikaho ikiye ejile na nakuwana yayenyi wa mukulwane walunga, kaha shimbu ikiye ayile pamo mwaka umwe. Ikiye kahashile kukindulukako, mwomwo lushimbi lwapwile na kumutonda ikiye. Kaha jino omwo etu tvevwile kuli ikiye hamukanda, wakufwachika na lijina lya weka, oloze ikiye amulwekele Mama omu nachiya na kupwa nge mwakevwulila kuli ikiye.

⁵⁶ Kaha jino Ngunanuka likumbi limwe munonga (muli akazuvo kakandende) ngwapwile kunyima ya zuvo. Kaha—kaha hanyima yaize lwola. . . Kuma naine. . . chihandwa cha tukweji leveni mukachi kayami nayou ndumbu walunga anghuhata, ikiye apwile hanga akalava. Kaha Ngwapwile na lilolwa lyalinene mulivoko lyami, kaha Ngwapwile nakweseka kusolola kuli ikiye omu Ngwakola nomu ngunahase kwasa eli lilolwa muize ndambo yamwaka, kuze kaselwoke omine kufuma mumavu nakupanga ndambo, kuze nonga yahichile na kutunga mavu andambo. Kaha Ngwevwile kajila, kaha apwile kwimba helu hamutondo. Kaha Ngwatalile helu kuze kumutondo kaha kajila akatukile na kuya, kaha, omwo chalingikile, Lizu lyahanjikile kuli yami.

⁵⁷ Jino, Ngunatachikiza enu mwashinganyeka nge Kangweshi kuhasa kushinganyeka ko na kwanuka chize. Oloze Mwata Kalunga Ou eji Kusopesanga, mavu na melu na vyosena vilimo, natachikiza nge Yami nguli nakwambulula muchano.

⁵⁸ Uze kajila, omwo atukile na kuya, Lizu lyejile kufuma haze hapwile uze kajila mumutondo, nge peho yinakwachiwa muchiputa, kaha Yambile ngwayo, “Ove nakaya nakuyoyela kwakamwihi na mbongi vavuluka ngwavo New Albany.” Kaha mukiko Ngwayoyela, kufuma halwola luze Ngwapwile na myaka yitatu kufuma hakusemuka chami palanga naluno lwola, hakamwihi jimilosi jitatu na New Albany, Indiana.

⁵⁹ Ngwayile na kumulweka mama hali echi. Chamwaza, ikiye ashinganyekele nge Ngwapwile na kulota kaha mokomoko chuma chimwe.

⁶⁰ Mukutwama etu twatutukile nakuya ku Indiana kaha Tata ayile na kuzachila umwe lunga, Mukulwane. Wathen, lunga muka luheto. Ikiye apichile Wathen Distilleries. Kaha ikiye apichile na vyazano vyavinene; ikiye apwa na mamiliyone na mamiliyone, kaha na Louisville Colonels, na—na ngunja yakwasa, na vyangocho. Kaha jino etu twayoyelanga kwakamwihi nakuze. Kaha Tata kupwa muthu mukakuhutwa, chipwe ngocho kahashile kuyoya chakuzeneka kunwa, shikaho ikiye—ikiye ayilenga na kutunga wala muze—muze muchikamwino.

⁶¹ Kaha jino chize chazachile ukalu hali yami mwomwo Ngwapwile mukulwane hali vana vosena. Ngwashashile kwiza na kumbata meya nakutwala muchikamwino, kuholesa vize vikungo shimbu vali nakupanga uze wala. Kahajino ikiye himwalanjisa, kaha jino ikiye apwile na vivali chipwe vitatu vize vikamwino. Jino, echi chikiko chihanda chimwe Kangwasaka kuchambulula ko, oloze ukiko muchano.

⁶² Kaha Ngunanuka likumbi limwe, kufuma kuchisete, kwiza nakukanduka kuzuvo, nakulila. Mwomwo kusali kuze kunyima yachize chihela kwapwile chijiva, echi... kuze vapwilenga vakiko na kuvatula meya amakaza. Enu vavavulu munahase kwanuka omwo vakiko vapwilenga na kuvatula meya amakaza na kuwahaka muunga wamitondo. Chamwaza, uze ikiko jila Mukulwane. Wathen alaminenga meya amakaza kuze mulifuchi kana. Kaha Tata apwile ikiye—ikiye nyamutekenya wa ikiye, nyamutekenya wakupenge. Kaha omwo chize... echi chijiva chapwile chakuzala na vaishi kaha omwo navayanga nakuvatula aze meya amakaza na kuneha mangana vahake muze muunga wa mitondo, kahajino omu aze meya amakaza ayilenga nakuyengunuka mulwola lwanonga omu apwilenga nakuya na kushikumuka, apwilenga na kupwa atoma Ngwashinganyeka, nge pamo chijiva cha meya amakaza, kaha vakiko vawazachishilenga, keshi kunwako, oloze kutuchisa meya, kuhaka na kujingulwisa mingomo yavo na mumavele avo, na vyangocho.

⁶³ Kaha likumbi limwe kumbata meya kufumisa kunyima ya mupombi, ize yapwile kafwe kutohwa nge mbongi. Ngwapwile

na kuneha vyema kuli ou azeneka kupwa nechi, mwomwo Ngwafuminega kushikola kaha vanyike vosena vamaunga vapwile vayi kuchijiva, nakukwata ishi. Ngwazangilenga kukwata ishi. Kaha shikaho vakiko vosena vayilenga nakukwata ishi oloze yami, kaha ngwatela kuswita meya amuchikamwino. Mweka mwauchi, yami, chize chatelele kupwa mama, echi vachikanyishile. Kaha Ngwa. . . Echi chapwile chuma chimwe chachikalu. Kaha Ngunanuka kwiza hamwe kuze na munwe walifumbalele, kaha Ngwapwilenga na chihungu kujingulwisa uze munwe mwishi ya uze munwe kuulama kulukungu. Ove walinga lyehi ngocho? Haka kaha chihungu mwishi ya munwe wove nge *ngana* kaha kasako jingoji chee ndo. Chize nachimika munwe wove nge mutwe wa kapeza vene, munatachikiza, kwimana helu. Enu munahase kungulandula yami kwosena Ngwayilenga, na echi chihungu mwishi ya munwe wami; kwosena Nangulyata, munatachikiza. Kangwapwilenga na sapato ko jakuwala. Shikaho etu katwavwalilenga jisapatoko, lwola lumwe mukachi kachishika. Kachi nge natuvwala, etu . . . chapwile kuvanga jakwanda, muthu umwe mwatuhana etu. Kaha vya kuvwala kuvanga vize muthu umwe mwatuhana etu, wazangi mwatuhana etu.

⁶⁴ Kaha ngwemanyine mwishi yaou mutondo, kaha Ngwatwamine muze na kuneha vyema (echi chapwile mu katundwe) mwomwo Ngwatondele kuya na kuta ishi, Ngwapwile na kuswita jimbashiya ja meya jajivulu na milondo yakukwachila vihwahwa, kuheta kaha helu *ngachize*, chimbwa cha chingalafawu, 'mwomwo Ngwapwile kaha kanyike wakaheta mumyaka kafwe seveni yakusemuka. Kaha Ngwahingunuinenga mumbashiya yayinene kaha jinonyi kukinduluka na kumbata milondo yivali ikwavo na kukinduluka, kunyikoka. Aze akiko meya etu twapwilenga nawo. Kaha vakiko vahashilelenga kutungisa nawo mikuta ya wala wamanona ufuku uze, ava malunga na Tata hamwe, haze vene ha zuvo.

⁶⁵ Kaha Ngwapwile na kulila, kaha kukasumuka Ngwevwile chuma chimwe kuneha zungo nge kakundukundu, chuma chimwe nge *ngana* (jino, Ngwafwelele kachapwile na kutambakana chikumako), kuya "Hooohooo, Hooohooo," zungo vene nge ngocho. Chamwaza, kwapwile vene kwakulu, kaha Ngwatalile talile nakunyengumuka. Kaha munatachikiza, kakundukundu wamundende, Ngwafwelela enu munahase kuvavuluka vakiko kupwa kakundukundu vase vavandende? Mukuhita cha mwaka vakiko vambachilenga manona muwande, munatachikiza, mafwo na vikwavo vyangocho, kamwe mumwaka kuze, mafwo anaputuka kwalumuka. Kaha Ngwapwile mwishi ya mutondo waunene wa muzeze utoma, kwimana hakachi mukachi ka chisete na ize-ize zuvo. Kaha Ngwevwile ize zungo. Kaha Ngwatalile talile

na ngwanyengumuka, kwapwile kwakulu nge omu chili muno mukapete. Numbatuhu lifwo kupekumuka kumwe, mokomoko chuma chimwe. Kaha Ngwashinganyekele, “Kulihi kulinakufuminyina eyi zungo?” Chamwaza, Ngwashinganyekele, “Pamo vili kwakusuku na kuno.” Kupwa kanyike kaha. Kaha yatohweleleko na kutohwelako.

⁶⁶ Ngwambachile mulondo wami na kuneha zungo chikuma kapapa kakavulu na kuputuka kuya, Ngwapwile na kunoka. Kaha Ngwafumine kuze jitambo jajindende kufuma kuze, mukachi kamitango yauze mutondo waunene mwafumine, kaha, mamalelo, yami, chapangile zungo yawii. Kaha Ngwalumukile ngutale, kafwe pamo chimbwa kaha kufuma helu yauze mutondo kwapwile kakundukundu mukwavo, kukwachiwa muze mumitondo alinakuya nakujinguluka nakujinguluka, kutambukisa aze mafwo. Chamwaza, Ngwashinganyekele nge chize keshi chaungejiko mwomwo hingonde yamwaka, kamwe hamwaka, ika, vase tukundukundu veji kwizanga. Chindende. . .Etu tweji kuvavulukanga ngwetu “tukundukundu.” Kaha vakiko—kaha veji kumbatanga lukungu. Enu munavamonanga vakiko mumakundu ngachize. Chuma chochimwe. Shikangaho Ngwatalile, oloze kahashile kuyako. Kakavulu kapwa chindende kaha himwaya, oloze napungalika haze pamo kuhambakana miyutu yivali mokomoko kuhambakanaho.

⁶⁷ Chamwaza, Ngwaputikile cheka kuya. Kaha Ngwalumukile na kutala hali echi cheka. Kaha omwo chalingile Echi, Lizu lya muthu nge omu lili lyami, ngwenyi, “Kanda ove mukanwa walako, kanda mukanwa makanyako, mokomoko kulijilulula mujimba wove mukala jila. Nakukapwa mulimo ove watela kuzata omwo naukakola.” Ika, kaha changuvwishile woma yami wa kufwa! Enu munahase kuchijina omu evwile uze kanyike. Ngwambilile ize milondo, na kuya kwino nge omu Ngwahashile kuya, kutambakana helu lya lizu lyami.

⁶⁸ Kaha kuze kwapwile va mbanda jila muze mulifuchi kana, manoka, kaha vakiko vapwa va ulembe chikuma. Mama ashinganyekele, kwiza nakulikulijiza na litempa ngwenyi pamo Ngwahakile chipundo chami hali mbanda jila kaha ikiye alahile nakunguwana yami. Kaha Ngwatumbukilile mumavoko enyi, kutetumuka, kumukumbata ikiye na kumusweswenya ikiye. Kaha ikiye ngwenyi, “Ukalu uli halihi, ove vanakusumu kulinoka?” Angutalile talile hali yami hosena.

Ngwambile ngwami, “Nduma, Mama! Kuze kuli muthu kuze muze mwishi yauze mutondo.”

⁶⁹ Kaha ikiye ngwenyi, “Mamalelo, Billy, Billy! Twaya tuyenga?” Kaha ikiye ngwenyi, “Ove wemanenga kaha nakusavala tulo?”

⁷⁰ Ngwambile ngwami, “Nduma, mama! Muze muli muthu muze mumutondo, kaha Ikiye nangulweke kuhona kunwa wala na kuhona kunwa makanya.”

⁷¹ “Kunwa wala na—na vyuma.” Kaha Ngwapwanga na kuswita meya akutwala ku chikamwino cha moonshine, haze vene. Kaha Ikiye ngwenyi, “Kanda ove mukanwa mokomoko kujilula mujimba wove mukala jila.” Chize chaunyengwe, munatachikiza, kaha mwanami...mukweze walunga na mapwevo. Kaha kweseka mwosena, Kanda lyehi lwola lumwe nguwanga kupaishiwa hali echi. Uze Mwata angukafwile kuvyuma kana, kaha omu nangutwalilaho namuya nakuwana. Shikaho jino, “Kanda mukanwa wala mokomoko kanda mukanwa makanya, mokomoko, kanda kajilulula mujimba wove, mwomwo nakukapwa mulimo wayove mukazata omwo naukakola.”

⁷² Chamwaza, Ngwachambulwile kuli Mama, kaha—kaha ikiye asehele kaha hali yami. Kaha Ngwapwile kaha na chivanguvangu. Ikiye asanyikile ndotolo, kaha ndotolo ngwenyi, “Chamwaza, ikiye ali kaha chiwoma woma, chikiko kaha.” Shikaho ikiye anguhakile haka hela. Kaha kanda lyehi Yami, kufuma lize likumbi na lelo, kuhita cheka muze mumutondo. Ngwapwile na woma. Ngwapwilenga nakuhichila Sali yikwavo ya litempa, mwomwo Ngwashingtonyeyekele muze mwapwilenga muthu kwilu kumutondo kaha Ikiye apwile na kuhanjika na yami, Lizu lyalinene lize lyahanjikile.

⁷³ Kaha jino lwola lumwe ha kakweji hanyima yachize, Ngwapwile na kuhema tungulungulu n ava ndumbwami vamaunga vavandende, kulutwe lwa weluka. Kaha vyosena halwola lumwe Ngwapwile na kwivwa kanawa haliyamiko. Kaha Ngwalitwaminyine na kutwama mwishi kusali ya mutondo. Kaha etu twapwile haze vene kungenge ya Kalwiji Ohio. Kaha Ngwatalile kuze kutwala ku Jeffersonville, kaha Ngwamwene chau kukatuka helu na kuya kusali yachize, uze kalwiji, kumwanga kalwiji. Kaha Ngwamwene malunga sikisiteni (Ngwavalavile vakiko) vaze vaholokele kufuma haze na kujimbalisa mwono yavo hali chize chau. Ngwalahile chikupu washi washi na kumulweka mama yami, kaha ikiye ashinganyekele nge Ngwayile na kusavala. Oloze vakiko vachilamine muvishinganyeka, kufuma hakuhita myaka twende tu kufuma haze Chau cha Municipal jino (vaze vavavulu muli enu hitenu omu enu namuhita haze) kuhita uze kalwiji ha chihela chochimwe, na malunga sikisiteni kujimbalisa myono yavo kutunga chaechi chau kusali yauze kalwiji.

⁷⁴ Echi kachahonako kupwa kukupuka vene. Nge enu munamono Echi mulize likungumbuwa, Echi chinapunga muliize jila lwola lwosena.

⁷⁵ Jino, vakiko vashinganyekele Ngwapwile kaha wakuzangajala. Hiya, ngwapwa ngumuthu wakuzangajala, ou ukiko muchano. Kaha, kachi ove unatachikiza, vathu vaze vaka shipilitu vapwile—vapwile kukundamina na kupwa vakuzangajala.

⁷⁶ Tala hali mukakusoneka na tupolofweto. Kaha tala hali William Cowper uze asonekele uze mwaso wapuhu, “Kuli kaselwoke wakuzala na Manyinga, wakufuma mumishisa ya Emanuwele.” Enu mwevwa lyehi...Enu mwatachikiza ou mwaso. Ngwemanyine ha lifuka lyenyi keshi hanyima chikuma ko. Ndumbu walunga Julius, Ngwafwelela, Ngwahono kutachikiza, nduma...eyo, chize chakwoloka, apwile na etu haze ha lifuka lyenyi. Kaha—kaha kuze, hanyima ikiye hakusoneka uze mwaso, chize kuhwima chamusele ikiye, ikiye esekele kuwana uze—uze kalwiji na kulisukika. Talenu, ize Shipilitu yamusele ikiye. Kaha vathu nge nukakusoneka na maputukilo na...mokomoko keshi...Ngwatwale kuvuluka tupolofweto.

⁷⁷ Tala hali Elija, omwo ikiye emanyine hapili na kusanyika kakahya kulovoka kufuma mwilu na kusanyika vulu kulovoka mwilu. Kahajino omwo ize Shipilitu yamusele ikiye, ikiye achinyine woma wauze pwevo. Kaha Kalunga amuwanyine ikiye amukokele muze mu kembwe, hanyima makumbi fwote.

⁷⁸ Tala hali Yona, na kuhwima chachivulu omwo Mwata amuwavishile ikiye kunangula muze mu Nenyive, palanga nomu—nomu mbongi yapwile kutohwa nge St. Louis yalumikile na kupihilila na kuvwala vikeleyi. Kaha jinonyi omwo ize Shipilitu yamusele ikiye, chasolokele ngachilihi kuli ikiye? Etu twamuwana hapili hanyima yaize Shipilitu kumuseza ikiye, kulomba kuli Kalunga kachi ambate chiyoyelo chenyi. Kaha, mwamono, chili kuhwimina. Kaha omwo vyuma evi vyasolokele, echi—echi chalingile chuma chimwe kuli enu.

⁷⁹ Kaha jinonyi Ngulinakwanuka kwiza helu. Ngwatela kupwa mukweze walunga. (Nanguzangula mangana mukachi chindende kaha.) Omwo Ngwapwile mukweze walunga Ngwapwile na vishinganyeka nge mukweze walunga. Ngwa... kuya kushikola, Ngwapwile na kuvawana vakiko vanyike vavandende vwapwevo. Mwatachikiza, Ngwapwile vene wakulihenda, munatachikiza. Kaha Ngwa—Ngwakuminyine nami kuwanako sepa lyami wapwevo wamundende. Kaha nge vanyike va malunga vavandende vosena, vana myaka fifiteni yakusemuka, Ngwafwelele. Kaha—kaha shikaho, mamalelo, ikiye apwile wamwaza. Yami, ikiye apwile na meso nge katela, kaha ikiye apwile na mazo nge jipela, kaha shingo nge vuli, kaha ikiye—ikiye apwile vene wamwaza.

⁸⁰ Kaha kanyike mukwavo wamundende, ikiye...etu twapwile masepa, shikaho ikiye ambachile motoka ya muyachi wa T Ford

yamwaka ya ise, kaha natuya na kuhema na mapwevo jetu. Kaha etu twapwile nakuya nakuvambata vakiko, kunyina na kwendesa. Etu twahashile kulanda maji akuheta ku mangalona avali. Etu kuvanga kunyishika nakushinjila kuliwilo lya kunyima numba yendenga. Ngwahono kutachikiza nge enu mwanukaho lyehi chize nyi nduma, mwatachikiza, kuyishinjila. Oloze etu—etu twapwile na kuya kanawa.

⁸¹ Kaha shikaho Ngwapwile na mangwe amwe mumboloso yami, kaha twemanyine ha chihela chimwe tulanda... munatachikiza tulande chindanda cha nyama changwe imwe. Kaha shikaho, mamalelo, Ngwapwile lihando, Ngwahashile kulanda vikiko viwana! Talenu? Kaha hanyima tunali vize vindanda na kunwa ize Kokakola, Ngwaputukile kutwala ize mitumwa. Kaha chakulikomokela yami, omwo Ngwalovokele, (pwevo hanaputuka kuholoka ku likoji ha lwola luze vene, mokomoko kufuma kupwa pwevo) uze katela kami apwile na kunwa makanya.

⁸² Chamwaza, Ngwapwilenga lwola lwosena nakujina chami hali pwevo uze wakunwa makanya, kaha Kangwalumukileko kufuma kuli chimwe hali chize hali lwola lumwe kufuma haze. Chize chakwoloka. Chize chili chuma chimwe chamwishi ikiye alina kulinga. Kaha chize chili chakwoloka vene. Kaha Ngwa—Ngwashinyeka Ngwa... Jino, kambanyi ya kutunga makanya vanahase kungukavangiza hali echi, oloze, Ngulinakumulweka enu, chize chili kaha muheto wa satana. Apwa mukakujija wamunene kaha lwenyeka lifuchi valinalwo. Nanguzanga mwanami apwenga chitakwa kuhambakana kupwa mukakunwa makanya. Ou ukiko muchano. Nanguzanga kumona puwami kusavala hamavu, napende, kuhambakana kumumona ikiye ali na makanya. Muze mukiko chapwa... .

⁸³ Jino, eyi Shipilitu ya Kalunga eyili na yami, kachi Eyili Shipilitu ya Kalunga (nge omu munahase kunguhula), kunwa makanya ali nalihanya lya nge nauheta kuze, 'mwomwo chize chili kaha...lwola lwosena. Mwachimona lyehi ha kamenga, omwo Ikiye eji kupaisanga chize. Chili chuma chachipi. Lilamenu nakufuma kuli echi. Mapwevo, kachi unevu kupayishiwa hali echi, ngwasakwilila, mu Lijina lya Kulishitu, fuma muli chize! Echi na chikuhokola ove. Echi nachiya na kukujija ove. Echi nachiya... Echi chili—chili na kansa cha chiteli cha motoka.

⁸⁴ Va ndotolo naveseka kukuhuhumuna ove. Kaha jino omu vakiko vanahase kukulanjisa ove chuma chochimwe! Kachi ove nauya kuvitanda vya kulanda vitumbo na kwamba, "Landa... Ngwatondo kulanda kansa ya fifite cent." Ika, vakiko navakeza nakuvajikila vakiko muze. Oloze omwo ove naulanda makanya akuheta mu fifite cents, ove uli na kulanda chuma chochimwe. Ndotolo ahanjikele ngocho. Mamalelo, eli lifuchi lya kuzaluka

na jimbongo. Echi chili chachipi. Chili chakujihia. Echi vana chinjikiza.

⁸⁵ Chamwaza, omwo Ngwamwene uze kanyike wapwevo wamwaza wamundende kusoloka kupwa nge wautongwe, na makanya mulivoko lyenyi, chize chahashile kungujiha yami, 'mwomwo Ngwashinganyekele vene Ngwamuzangile ikiye. Kaha Ngwashinganyeka, "Chamwaza . . ."

⁸⁶ Jino, Vangusanyikile kupwa nge "mukakujinda mapwevo," munatachikiza chize, mwomwo yami ngwapwa lwola lwosena nge ngwafumbukila mapwevo, oloze keshi kufumbukila enu vandumbwami Vamapwevo ko. Yami ngwapwa kaha wakufumbukila vilinga vya mapwevo valelo. Chize chakwoloka. Mapwevo vamwaza vatela kupwa kumwe ukawavo.

⁸⁷ Oloze Ngunahase kwanuka omwo tata yami hanga alinakulaha kuze, Ngwapwilenga kuze na kuswita meya na vyangocho, kumona vanyike vmapwevo kuze vapwile na kuheta chipwe seveteni, eyiteni na myaka ya kusemuka ko, kuze na malunga vaseteko yami jino, kunwa. Kaha vakiko vatela kuvalingisa kupwa vakuunda mumeso na kuvahana teyi yilava, numba vakinduluke kwimbo nakutelekela malunga javo kulya cha chingoloshi. Mamalelo, chuma nge ngachize, Ngwambile ngwami, "Ngwa . . ." Echi chapwile kuhanjika chami jino, "Vakiko kavatela ko kupwa na vilyanga vitoma vyamwaza vyakuvajiha vakiko nachoko." Chize chakwoloka. Kaha Ngwajinjile pwevo. Chize chakwoloka. Kaha Ngwatalile kanawa jino hachuma hichuma chosena, kulilama kufuma kukushinganyeka chuma chochimwe.

⁸⁸ Shikaho, oloze jino, pwevo wamwaza apwa nge kapata kaulu mumuchama wa lunga. Ikiye vatela kumuvumbika. Ikiye . . . Ali pwevo lya mama, pwevo lyami, kaha vali vakuzanga. Kaha Nguli na Vakakulishitu vmapwevo masauzande vase Ngwalemesa chikuma. Oloze kachi—kachi vakiko vanahase kulemesa omu navatenge Kalunga vakiko, chisemi wapwevo na kupwa pwevo lya mwangana wamwenemwene, chize chosena chakwoloka. Ikiye ali chuma chimwe chamwaza chize Kalunga ahana kuli muthu walunga, chapwile pwevo. Kusali ya ulwilo, pwevo ali chuma chamwaza kachi ali pwevo wamwaza. Oloze kachi keshi ngochoko, Solomoni ngwenyi, "Pwevo wamwaza napu kapata kaulu mumuchama walunga, oloze chili—chuma chimwe chamwaza mokomoko nge keshi ngochoko mwapwa nge meya mumanyinga." Kaha chize chakwoloka, chili chuma chimwe chachipi chinahase kusoloka. Shikaho pwevo wamwaza . . . kachi uli na pwevo wamwaza, ndumbu walunga, ove watela kumuvumbika na kavumbika kahelu. Chize chakwoloka, ove watela kulinga ngocho. Pwevo wamwenemwene! Kaha, vana, kachi uli na mama wamwenemwene uze eji kutwamanga hembo na kweseka kukulama ove, kulama uvwolo wove utoma, kukutuma kushikola, kukunangula ove Yesu, ove watela

kuwvumbika uze mama uyema wamwaka na vyosena vili muli ove. Ove watela kulemesa uze mama, eyo, mwane, mwomwo ikiye ali mama wamwenemwene.

⁸⁹ Vakiko valinakuhanjika kuhona kutanga cha jipili ja Kentucky. Enu mwamono echi muli echi hano vyuma vyamokomoko. Vamwe vakiko vali va mama vamwaka vanahase kwiza kuno ku Hollywood na kuminangula enu va mama va lelo mwakukulishila vana venu vavandende. Ove mwechela mwana wamundende kwiza na ufuku na jikambu jenyi josena jili muchimbalangani, na mivumbo. . . yisenena, (ove muchisanyika ika chize?) kulyalumuna navyangocho vali nakulihaka kumeso avo, kaha nandeleji jenyi yosena nayiswenyesa kusali yimwe, kaha ayanga ufuku wosena, kunwa, ndumbu walunga, ikiye kachi kumbata mutango umwe wa helu lya mutondo wa muzeze kaha keshi kukahasa kalovoka nakuyako chekako. Nangumilweka, ikiye ali. . . Kaha kachi ove uli kaha na kaze kakandende kachize, ove mupwa na Hollywood ya mwaza kuno, kaha lifuchi lya mwaza. Chize chakwoloka. Ou uli muchano. “Eseka kupwa kaha wakutona,” echi—echi yili mingalato ya liyavolo.

⁹⁰ Jino, ou kanyike wamundende wapwevo, omwo Ngwatalile hali ikiye, muchima wami wahichishile manyinga. Kaha Ngwashingtonyakele, “Ou kanyike wamundende wakuhutwa.”

Kaha ikiye ngwenyi, “Mamalelo, ove unatondo nove likanya, Billy?”

Ngwambile ngwami, “Nduma, mama.” Ngwambile ngwami, “Kanda kunwa mwakanyako.”

⁹¹ Ikiye ngwenyi, “Jino, ove kumana kwakinako.” Vakiko vatondele kuya nakukina kaha Kangweshi kulinga chizeko. Shikaho vakiko ngwavo kuze kuli kukina, ize vavuluka ngwavo Sycamore Gardens.

Kaha Ngwambile ngwami, “Nduma, Kangwakinako.”

⁹² Ikiye ngwenyi, “Jino, ove kawakinako, ove kawanwako makanya, ove kawanwako wala. Kaha ove weji kuhema ngachilihi?”

⁹³ Ngwambile ngwami, “Chamwaza, Ngwazanga kuta ishi kaha Ngwazanga unyenga.” Chize kachamuhanyine kusulukako.

Shikaho ikiye ngwenyi, “Mbata eli likanya.”

Kaha Ngwambile ngwami, “Nduma, mama, ngwasakwila. Kangwanwako makanyako.”

⁹⁴ Kaha Ngwemanyine kuchikungo chakukinga. Vakiko vapwile na chipamba chimwe kuze kumotoka ya ize Fords, munanuka, kaha Ngwemanyine hali chize chikungo, kutwama kuchize chitwamo cha kunyima, ikiye na Yami. Kaha ikiye ngwenyi, “Ove unalumbununa nge ove kaweshi kunwa eli

likanyako?” Ngwenyi, “Kaha etu mapwevo tuli namishisa yakutamo kuhambakana yove.”

Ngwambile ngwami, “Nduma, mama, Kangwafwelela nge Ngwatondo kulinga chizeko.”

⁹⁵ Ikiye ngwenyi, “Ika, ove mukawoma wamunene!” Mamalelo, Yami! Ngwatondele kupwa Bill wamunene wamupi, shikaho Ngwa—Ngwakunyuka kangwazangile kupwa mukawoma ko. Talanu, Ngwatondele kupwa mukakuzunga nakuwina, muze mukiko yami ngwazangilenga muchiyoyelo chami. Shikaho Ngwambile ngwami. . . “Mukawoma! Mukawoma!”

⁹⁶ Kangwahashile kuhumikiza hali chizeko, shikaho Ngwambile ngwami, “Nguhane tuhu nami!” Ngwolovele livoko lyami, Ngwambile ngwami, “Nangumulweka ikiye nge kangweshi mukawoma ko mokomoko chiku.” Kutambula lize likanya kaha ngwaputukile kuli wika. Jino, Ngwatachikiza ove uli. . . Jino, Yami kangweshi namulimo hali ocho uli nakushinganyeka oveko, Yami nguli kaha namulimo wakulweka muchano. Omwo Ngwaputukile kuwika lize likanya, nakufwila kunwa lize likanya nge omu Nguli nakumbata eyi Mbimbiliya, talenu, Ngwevwile chuma chimwe kuya, “Whoowhoo!” Ngwesekele cheka, Kangwahashile nakuhaka kukanwa kamiko. Kaha Ngwaputukile kulila, Ngwachimbilile chize hamavu. Vakiko vangusehele yami. Kaha Ngwatambukile nakuya kwimbo, kuhita muwande, kutwama kuze, kulila. Kaha—kaha chize chapwile chiyoyelo chachikalu.

⁹⁷ Anukenu likumbi limwe Tata apwile na kuya kukalwiji na vanyike vamaunga. Ndumbwami walunga na Yami, etu twambachile wato na kuya nakukandwisa uze kalwiji, kutondatonda mitumwa yakuhakamo wala. Etu twapwile na mukuta wa mangwe yavakiko, kuyimbata ikiko muze mukalwiji. Kaha Tata apwile nayami, kaha ikiye apwile naumwe ize yakusalamana. . . Ngwafwelela vakiko vapwile pamo chambwa cha mitumwa. Kaha kuze kwapwile mutondo umwe wapwile wakukunguvala, kaha Tata. . . Kaha uze lunga apwile na ikiye, Mukulwane. Dornbush. Ngwapwile na lyenyi. . . Ikiye apwile na wato wamwaza, kaha Ngwatondele kuwana uselewa na ikiye ’mwomwo Ngwatondele kuzachisa uze wato. Wapwile na chakuvuwisa chamwaza kaha wami kawapwile na chakuvuwisa chamwazako. Etu twapwilenga kaha na vilapo vya mwaka twavuwishilenga navyo. Kaha kachi ikiye mwangwechela yami kuzachisa uze wato. . . Shikangaho, ikiye apwile mukukumunungila vikingo na kumukelela Tata. Shikaho ikiye. . . Vakiko vambilile mahinji avo nakuwazezeleka hali uze mutondo, kaha Tata akwachile mumboloso yenyi yahanyima kaha kokelemo mutumwa wakusalamana wa wala, ahanyine kuli ikiye kaha ikiye anwinemo, ahilwishile cheka kuli Tata na ikiye nawa anwinemo, kaha vauhakile hali mutongo wakusapukila

kusali yauze mutondo uze wakukunguvala. Kaha Mukulwane. Dornbush aumbachile, ngwenyi, “Waha nove nawa, Billy.”

Ngwambile ngwami, “Ngwakusakwilila, Kangwanwako wala.”

⁹⁸ Ikiye ngwenyi, “Ka Branham, kaha kangwanwako?” Vosena vafwile na majombolo avo vanavwele, vosena. Kaha ikiye ngwenyi, “Ka Branham, kaha kangwanwako?”

Ngwambile ngwami, “Nduma, mwane.”

“Nduma,” Tata ngwenyi, “Ngwakulisa umwe mukawoma.”

⁹⁹ Tata yami kungusanyika yami mukawoma! Ngwambile ngwami, “Nguhanenu yami owo mutumwe!” Kaha Ngwafumishileko chize chifwiko, kujina kunwa kaha, kaha omu Ngwaputukile kusokolola, “Whoowhoo!” Ngwakindulwishile uze mutumwa kaha ngwayile na kushukumuka muwande nge omu Ngwahashile, na kulila. Chuma chimwe chinahase kungulingisa nguchilinge. Talenu? Kangwahanjikile nge Ngwapwile ngumuthu wamwaza (Ngwapwile nakuhasa na kufwila kuchilinga chize), oloze apwile Kalunga, likoji, likoji lyakukomwesa lya ngulamine yami kukulinga vize vyuma. Ngwatondele kuvilinga, yamivene, oloze Ikiye kahashile kwecha yami kuchilinga chize ko.

¹⁰⁰ Lwola lukwavo Ngwawanyinene kanyike wapwevo omwo Ngwapwile na myaka twende tu myaka yakusemuka, ikiye apwile wamwaza. Ikiye apwile kanyike wapwevo apwilenga na kuya kuliuka, Luteleni yamu German. Lijina lyenyi apwile ikiye Brumbach, B-r-u-m-b-a-c-h, lya fumine kulijina lya Brumbaugh. Kaha ikiye apwile kanyike wa pwevo wamwaza. Ikiye kanwinenga makaya chipwe walako, mokomoko—mokokoko ikiye kakinyinenga ko mokomoko kulinga kala chuma, kanyike wapwevo wamwaza. Ngwayile nenyi katando kandende, kaha Ngwapwile na...Kahajino, ha twende tu, Ngwapangile mali amavulu palanga Ngwalanjile yami Ford yamwaka, kaha Ngwa...etu twaputukile kutambuka hamwe. Kaha shikaho, lwola luze, kuze kakwapwile numba liuka lya Luteleni hakamwihi, vakiko vapwile vanafumu mu Howard Park yakuze.

¹⁰¹ Kaha shikaho vakiko vapwile...na mukuzata, uze anguavashile yami wamu liuka lya Mishonali Mbaputishiti, Ndotolo Roy Davis. Ndumbu wapwevo Upshaw, uze umwe atumine Ndumbu walunga Upshaw kuli yami, mokomoko ahajikile hali ikiye kuliyami, Ndotolo Roy Davis. Kaha shikaho ikiye apwile na kunangula, kaha apwile na liuka lyatete ya Mbaputishiti, mokomoko ize—ize...Ngwahono kufwelela nge lize yapwile liuka lyatete lya Mbaputishiti, chipwe, kupwa Mishonali-...vavuluka kupwa liuka lya Mishonali Mbaputishiti ku Jeffersonville. Kaha ikiye apwile mukakunangula mu lwola luze, kaha etu twahashilenga kuya kuliuka na ufuku, shikaho...

kaha etu twakindulukilenga. Kaha Kangwalinungile na liuka, oloze Ngwazangilenga kuyanga nenyi. Mwomwo kushinganyeka chami chapwilenga “kuyanga na ikiye,” Ngwatondo nami kupwa wakushishika.

¹⁰² Shikaho kuyanga naikiye, kaha likumbi limwe Ngwa... Ikiye apwile wakufuma kulivungu lya mwaza. Kaha Ngwaputukile kushinganyeka, “Munatachikiza, munatachikiza, Ngwatela kumbata uze kanyike wapwevo lwola luze. Chize kacheshi—kacheshi chakwolokako, mwomwo ikiye apwile kanyike wapwevo wamwaza, kaha Yami ngumukakuhutwa kaha—kaha Ngwa...” Tata yami kulikangula chapwile chauchi, kaha Ngwa—Ngwa... Kakwapwilenga jila yayami kuli yami yakuwana chiyoyelo chauze kanyike wapwo nge ngana, uze nejilila na kupwa na limbo lyamwaza na kupwa na visalo hamuvu.

¹⁰³ Ngunanuka chisalo chatete Kanda lyehi ngumone, Kangwatachikijile chapwile chuma muka. Ngwatambukile na kujinguluka kusali yikwavo. Ngwashinganyekele chize chapwile cha chuma mwaza kanda lyehi ngumone muchiyoyelo chami. “Navahaka ngachilihi chuma changachize hamavu?” Chapwile chisalo chatete Kanda lyehi ngumone. Chize chapwile—chize chapwile chuma chimwe chavize... Ngwafwelele vachisanyika kupwa “mizelele ya chisalo.” Ngunahase kupwa nachakuhenga. Chuma chakufwana nge ngachize “chamizelele” mokomoko chumachimwe chize vanatongela hamwe, kaha chasavala hamavu. Chamwaza cha mafwo amatamba kaha chichila, kaha losa yayinene yazachi hakachi kacho, ove utachikize. Echi chapwile chuma chamwaza.

¹⁰⁴ Kaha shikaho Ngunanuka Ngwa—Ngwajinyine muvishinganyeka vyami Ngwami chipwe ngwatela kumuhula ikiye kumumbata kuli yami, mokomoko Ngwatela kumuseza nakwecha muthu weka wamwaza akamumbate ikiye, muthu umwe uze mwapwa wamwaza kuli ikiye, uze mwakamulingisa kuyoya kanawa na kupwa kanawa kuli ikiye. Ngunahase kupwa wamwaza kuli ikiye, oloze Ngwa—Ngwa—Ngwapwile kaha na kupanga twende cents ha ola. Shikaho Kangwahashile kupwa na chinyoyelo chamwaza chikuma cha ikiyeko. Kaha Ngwa... Na livungu lyetu lyosena twapwile nalyo kuhasa kumuzakamina, kaha Tata nawa kulikangula kumujimba chauchi, kaha Ngwatela kuvazakamina vakiko vosena, shikaho Ngwapwile mu lwola lwalukalu chikuma.

¹⁰⁵ Shikaho Ngwashinganyekele, “Chamwaza, chuma kaha yami ngwatela kulinga shina kumulweka ikiye nge Ngwa—Ngwa... ikiye... Ngwa—Kangweshi kukindulukako, mwomwo Ngwashinganyeka chikuma hali ikiye nge nguli na kumwenyekela chiyoyelo chenyi na kumwecha nakuhunguka kupwa na yami.” Kaha jinonyi Ngwashinganyekele, “Kachi nuthu umwe mwakwata ikiye na kumumbata ikiye, nakutunga

limbo lya mwaza. Kaha pamo kachi Kangwapwile na ikiyeko, Ngunahase—Ngunahase kutachikiza nge apwile ikiye ali wakuwahilila.”

¹⁰⁶ Kaha shikaho Ngwashingtonyakele, “Oloze Kangwe—Kangwe—Kangweshi kuhasa kumusuwulako!” Kaha Ngwa—Ngwapwile museteko yayikalu. Kaha likumbi hi likumbi Ngwashingtonyakele hali chize. Shikaho Ngwapwile wasonyi chikuma kumuhula ikiye kumumbata kuli yami. Ufuku hiufuku Ngwashingtonyakele muvishinganyeka vyami, “Nanguya nakumuhula ikiye.” Kaha, omwo Ngwa, huu, chuma muka chize, tuwuya wuya, mokomoko chuma chimwe ove naupwa nacho...? Enu vosena vandumbu muli okwo kwiji nge mwapwile nenu nakuhitamochochimwe nge ngachize. Kaha nakwivwa nganganyi, kumeso ami kakwahashile kupwa kuzumako. Ngwa—Ngwahonene kutachikiza. Ngwahonene kumuhula ikiye.

¹⁰⁷ Shikaho Ngwashinyeka enu namulikomokela omu Ngwambachile. Munatachikiza ika? Ngwamusonekelele ikiye mukanda na kumuhula ikiye. Kaha shikaho ikiye... Jino, chize kachapwile “kuli ove wakuhona Kusomboka,” wapwile chindende kaha (munatachikiza) kusali ya zangi kuhambakana muze. Wapwile kaha keshi nge—wa chivwasano, wapwile wa... Ngwa—Ngwamusonekele, mwosena Ngwahashile.

¹⁰⁸ Kaha Ngwapwile na woma chindende wa naye. Naye yenyi apwile... ikiye apwile wamukalu muchima. Kaha, oloze ise apwile wakuunda lunga wachi Dutch wamwaka, kupwa kaha muthu wamwaza wamwaka. Ikiye apwile mukakuneha undumbu hamwe, mukakulongesa, wa jila yaha janji, kupwa na jimbongo ja kuheta kumandola handulendi mukakweji mujiola kana. Kaha yami kupwa na twende cents muola, kumbata mwaneyi wapwevo. Huu! Ngwatachikijile chize kacheshi kuzachiwako. Kaha naye yenyi apwile vene... Jino, pwevo wamwaza. Kaha ikiye—ikiye apwile vene umwe wavaze va lizavu lyavaze vahelu, munatachikiza, kaha vakalemesa, munatachikiza, kaha shikaho ikiye kapwile na mulimo chikuma nayamiko mukala jila. Ngwapwile kaha mukweze walunga wamwaka wa mulifuchi wakuhona kulava, kaha ikiye ashinganyekele nge Hope atelele kuya na vaze yanike vamaalunga vaseteko ya mwaza, kaha Ngwa—Ngwa—Ngwashingtonyakele ikiye apwile wa kwoloka. Kaha shikaho... Oloze Kangwa—Kangwashingtonyakele chizeko.

¹⁰⁹ Shikaho Ngwashingtonyakele, “Chamwaza, jino, Ngwahono kutachikize omu. Ngwa—Kangweshi kuhula ise ko, kaha Ngwa—Ngwambile ngwami kangweshi kuhasa kuhula nayeko. Kaha shikaho Ngwatela kumuhula ikiye chatete.” Shikaho Ngwamusonekelele ikiye mukanda. Kaha chize chimene mujila yakuya kumilimo, Ngwauholwele muze mumbokishi yamikanda. Uze mukanda... Etu twapwile nakuya kuliuka naufuku wamu Chitatu, kaha lize lyapwilenga lya mande chimene.

Ngwesekele mwosena ha likumbi lya Sondo kumulweka ikiye nge Ngwatondele kumbata, kaha Ngwahonene kupwa na kuhamuka chakutamo.

¹¹⁰ Shikaho Ngwauholwele muze mumbokishi ya mikanda. Kaha kuze kumilimo likumbi lize Ngwapwile nakushinganyeka, “Nachipwa ngachilihi nge naye mwakwata uze mukanda?” Mamalelo, yami! Kahajino Ngwatachikijile Ngwami vyuma navipihya kachi—kachi ikiye mwaukwata, ’mwomwo ikiye kazakamine hali yami chikumamako. Chamwaza, Ngwapwile na kutukuta nacho.

¹¹¹ Kaha chize Chitatu naufuku omwo Ngwejile, mamalelo, yami, Ngwashingtonyakele, “Omwo yami Nanguya kuze? Kachi naye mwaukwata uze mukanda ikiye mwazachilaho hali yami, shikaho Ngwafwelele nautambula.” Ngwauseonekelenga kuya kuli “Hope.” Lize likiko lyapwile lijina lyenyi, Hope. Kaha shikaho Ngwambile ngwami, “Nanguya kaha nakuusoneka kuli Hope kaha.” Kaha shikaho... Kaha Ngwashingtonyakele nge pamo ikiye kaukwachile ko.

¹¹² Shikaho Ngwatachikijile kuhambakana kwimana kusali na kutambakana chitoli managana ikiye alovoke. Mamalelo, yami! Kaha kanyike walunga uze keshi na kumika chikumako ja kutambuka na nakuya kuzuvo na kungongomweza hali pito na kuhula uze kanyike wapwevo, kangweshi namulimo wakumulovola ikiyeko. Chize chosena chapwile cha kwoloka. Chize chapwile nge kuhulama. Chize chakuhutwa.

¹¹³ Kaha shikaho Ngwemikile motoka yami ya Ford yamwaka, enu munatachikiza, kaha Ngwayikosele kanawa vene. Kaha shikaho Ngwayile na kungongomweza hali pito. Keke, naye ejile kuli pito! Ngwahonene na kuhwima kanawa, Ngwambile ngwami, “Muli—muli—muli ngachilihi, pwevo lya Brumbach?” Yaah.

¹¹⁴ Ikiye ngwenyi, “Ngachilihi mwane, William.”

Ngwashingtonyakele, “Hu-uu, ‘William’!”

Kaha—kaha ikiye ngwenyi, “Unahase kwingila?”

¹¹⁵ Ngwambile ngwami, “Ngwasakwila.” Ngwengilile muchikolo. Ngwambile ngwami, “Hope nalizange lyehi?”

¹¹⁶ Kaha haze vene nomu Hope ejile nakulenga kufuma muzuvo, kanyike wapwevo wa myaka yakusemuka pamo sikisiteni. Kaha ikiye ngwenyi, “Ngachili, Billy!”

¹¹⁷ Kaha Ngwambile ngwami, “Ngachili, Hope.” Kaha Ngwambile ngwami, “Ove unalizange kuya kuliuka?”

Ikiye ngwenyi, “Nguvandamine muyutu kaha.”

¹¹⁸ Ngwashingtonyakele, “Mamalelo, Yami! Ikiye kautambwileko. Ikiye kautambwileko. Chanwaza, chamwaza, chamwaza. Hope kautambwileko vene, shikaho nachipwa

chosena chakwoloka, 'mwomwo ikiye kachi nauvuluka kuli yami." Shikaho Ngwewwile kanawa chikuma.

¹¹⁹ Kaha jinonyi omwo Ngwahetele kuliuka, Ngwaputukile kushinganyeka, "Ngachilihi nge ikiye nautambula?" Talenu? Kaha Kamgwawwileko omu Ndotolo Davis omwo ahanjikile. Ngwatalile hali ikiye, kaha Ngwashingtonyekele, "Pamo kwiji naulame kaha, kaha ikiye mwaya vene nakungulweka omwo nangulovoka muno, hakumuhula ikiye muze." Kaha Ngwahonene kwivwa omu ahanjikile Ndumbu walunga Davis. Kaha—kaha Ngwatalile hali ikiye, kaha Ngwashingtonyekele, "Yami, Ngwajinda kumwecha ikiye, oloze...Kaha Ngwa—Ngwa...lwola lwakushisolola nalukeza vene."

¹²⁰ Shikaho hanyima ya kutanga kuliuka twaputukile kwenda nakuya mujila hamwe, kuya kwimbo, kaha—kaha shikaho twatambukila na kuya kumotoka ya Ford yamwaka. Kaha shikaho muze mumweji yakakweji yapwile nakumwinyika, munatachikiza, Ngwamutalile kaha ikiye apwile wamwaza. Kanyike walunga, Ngwatalile hali ikiye, kaha Ngwashingtonyekele, "Yami, Omu Ngwazange kupwa naikiye, oloze Kangweshi kuhasako."

¹²¹ Kaha shikaho Ngwatambukile chindende nakuya halutwe, munatachikiza, kaha Ngwatalile hali ikiye cheka. Ngwambile ngwami, "Ove—ove uli nakwivwa ngachilihi ufuku uno?"

Ikiye ngwenyi, "Mamalelo, Yami nguli kanawa."

¹²² Kaha etu twemikile ize Ford yamwaka kaha etu twaputukile kulovoka, mwatachikiza, nakuya kusali, kutambuka nakuya hambango nakuya kuzuvo yavo. Kaha Ngwatambukile na kuya nenyi na kuchikolo. Ngwashingtonyekele, "Munatachikiza, nge ikiye pamo katambwile uze mukanda ko, shikaho nayami Ngwatela kuvulyamako. Nangukapwa na mulungu weka walikoji pamo." Shikaho Ngwaputukile kwivwa kanawa.

Ikiye ngwenyi, "Billy?"

Ngwambile ngwami, "Mwanee."

Ikiye ngwenyi, "Ngwatambulanga mukanda wove." Mamalelo, yami!

Ngwambile ngwami, "Ove wautambulanga?"

¹²³ Ikiye ngwenyi, "Eyo." Chamwaza, ikiye atwalileho kutambuka, kahanjikile lizu lyekako.

¹²⁴ Ngwashingtonyekele, "Pwevo, ngulwekeko mumwe. Nguhange yami momoko ngulweke omu washinganyeka hali echi." Kaha Ngwambile ngwami, "Ove wa—ove wautanganga?"

Ikiye ngwenyi, "Eyo."

¹²⁵ Yami, munatachikiza omwo pwevo nahase kukutulika halengelenge. Mama, Kangwa—Kangwatwalile muize jilako, mwamono. Talenu? Oloze, mukala jila, munatachikiza, Ngwa—

Ngwashinganyekele, “Mwomwoika ove muhonene kuhanjikaho chuma chimwe?” Talenu, kaha Ngwatwalileho kuya. Ngwambile ngwami, “Ove wautanganga wosena?”

Kaha ikiye . . . [Hatepu hapimbi—Muka.] “Eyo.”

¹²⁶ Shikaho twapwile kwakamwihi na chikolo, kaha Ngwashinganyekele, “Ove kanyike walunga, kanda ungutwala na musengeko, ’mwomwo pamo Nanguhona pamo mwakulingila hali vakiko, shikaho ove ngulweze jino.” Kaha shikaho Ngwatwalileho kuvandamina.

¹²⁷ Kaha ikiye ngwenyi, “Billy, Nayami nanguzanga kulinga mwomumwe.” Ikiye ngwenyi, “Ngwakuzanga ove.” Kalunga akisulenga mwono wenyi jino, ikiye ali mu Upahu. Ikiye ngwenyi, “Ngwakuzanga ove.” Ngwenyi, “Ngwashinganyeka twatela kulweka visemi jetu . . . visemi jetu hali echi. Ove kawashinganyekele ngochoko?”

¹²⁸ Kaha Ngwambile ngwami, “Ove uchi wami, iwvilila, echa tuputuke echi ou ambateko chimbwa ou ambateko chimbwa.” Ngwambile ngwami, “Yami nanguya nakumulweka iso kaha ove lweka noko.” Kujika chachikalu hali ikiye, kukuputuka nacho.

Ikiye ngwenyi, “Chosena chakwoloka, kachi ove mulweka Tata chetete.”

Ngwambile ngwami, “Chosena cha kwoloka, Nangukamulweka ikiye muufuku wamu Sondo.”

¹²⁹ Kaha ufuku wamu Sondo wejile, Ngwamunehale ikiye kuzuvo kufuma kuliuka kaha . . . Ikiye atwalileho kutala hali yami. Kaha Ngwatalile, kaha yapwile naine seti, lwapwile lwola lwami lwakuya. Shikaho Charlie atwamine hachitwamo chenyi, nakusoneka. Kaha puwenyi. Brumbach kutwama mumbango yikwavo, apwile pamo na kupikula, munatachikiza, mokomoko pamo kupwa nakungunda ha vyuma vimwe, munatachikiza. Ngwahono kutachikiza omwo mwejikuchivulukanga. Kaha shikaho ikiye apwile na kulinga vyuma vimwe. Kaha Hope atwalileho kutala hali yami, kaha ikiye akashile mikanya hali yami, munatachikiza, nge kulweka ise. Kaha Ngwa . . . Mamalelo, yami! Ngwashinganyekele, “Nachipwa ngachilihi nge ikiye mwahanjika ngwenyi, ‘Nduma?’” Shikaho Ngwaputukile nakuya kuchikolo, Ikiye ngwenyi, “Chamwaza, Ngwashinganyeka ngwatela kuya.”

¹³⁰ Kaha Ngwatambukile nakuya kuchikola, kaha—kaha na ikiye aputukile kwiza kuchikola hamwe na yami. Ikiye lwola lwosena apwilenga nakwiza kuchikolo mangana angwambe ngwenyi “ufuku wamwaza.” Shikaho Ngwaputukile kuya kuchikolo, kaha ikiye ngwenyi, “Ove kaweshi kuya na kumulwekako?”

¹³¹ Kaha Ngwambile ngwami, “Huu!” Ngwambile ngwami, “Ngunejiva nanguya na kweseka, oloze Ngwa—Ngwa—Ngwahono kutachikiza omwo Nanguya nakuchilinga.”

¹³² Kaha Ikiye ngwenyi, “Yami nangukinduluka na kukusanyikilayo.” Shikaho ikiye akindulukile nakunguseza yami ngunemana.

Kaha Ngwambile ngwami, “Charlie.”

Ikiye alumukile kaha ngwenyi, “Eyo, Bill?”

Ngwambile ngwami, “Chinahase Nguhanjike nove mumunyutu kaha?”

¹³³ Ikiye ngwenyi, “Punduvene.” Ikiye alumukile nakufuma muchitwamo chenyi. Puwenyi. Brumbach kutala hali ikiye, kutala hali Hope, kaha kutala hali yami nawa.

Kaha Ngwambile ngwami, “Unahase kulovoka na kwiza musenge?”

Kaha ikiye ngwenyi, “Eyo, Nanguya nakulovoka.” Shikaho ikiye alovokele na kwiza musenge.

Ngwambile ngwami, “Pundu ou unapu ufuku wamwaza, yichiku?”

Kaha ikiye ngwenyi, “Eyo, mukiko vene.”

Kaha Ngwambile, “Pundu kunapunga kuzuma.”

“Punduvene unapu,” ikiye atalile hali yami.

¹³⁴ Ngwambile ngwami, “Ngunapunga nakuzata chikuma,” Ngwambile ngwami, “munatachikiza, nalivoko lyami kupwa namavanda.”

Ikiye ngwenyi, “Ove unahase kumumbate tuhu ikiye, Bill.” Mamalelo, yami! “Ove mumbate ikiye.”

¹³⁵ Ngwashingtonyeka, “Mamalelo, chili tuhu kanawa.” Ngwambile ngwami, “Mukiko vene, Charlie?” Ikiye ngwenyi . . . Ngwambile ngwami, “Charlie, tala, Ngwatachikiza nge ou apwa mwanove wapwevo, kaha ove ukwechi jimbongo.”

¹³⁶ Kaha ikiye olwele livoko lyenyi na kungukwata yami. Ikiye ngwenyi, “Bill, iwulila, jimbongo keshi jikiko kaha kuyoya chamuthuko.” Ikiye ngwenyi . . .

¹³⁷ Ngwambile ngwami, “Charlie, Ngweji—Ngweji kupwanga na jimbongo pamo twende ngwee ha ola, oloze Ngwamuzanga ikiye kaha nawa ikiye anguzanga yami. Kaha Ngwakukushika ove, Charlie, nge Nanguya nakuzata palanga nevi . . . vikova mumavoko ami kutanyuka, mangana ikiye akayoye kanawa. Nanguya nakushishika kuli ikiye nge omu Nanguhashila.”

¹³⁸ Ikiye ngwenyi, “Ngwafwelela ngocho, Bill.” Ikiye ngwenyi, “Iwvulila, Bill, Ngwatondo kumilweka enu.” Ngwenyi, “Munatachikiza, kuwahilila, kacheza kaha na jimbongo ko

numba wuwahilile.” Ngwenyi, “Pwako kaha wamwaza kuli ikiye. Kaha Ngwatachikiza ove muya nakulingamo.”

Ngwambile ngwami, “Ngwakusakwilila, Charlie. Ngwakufwelelesa nge nanguya nakulingamo.”

¹³⁹ Kahajino lwapwile lwola lwenyi lwakumulweka Mama. Ngwahono kutachikiza omwo chapwile naikiye, oloze etu twalimbachile.

¹⁴⁰ Shikaho, omwo twalimbachile, etu katwapwile na chuma chimweko, navikwatako muzuvo. Ngwashinganyeka etu twapwile kaha na mandola avali mokomoko atatu. Shikaho etu twapwilenga muzuvo ya kufwetela, yakufwetela kuheta ku mandola awana mukakweji. Yapwilenga yayindende, chihele chamwaka cha tupete tuvali. Kaha umwe atuhanyinene kahela kakuvunga kamwaka. Nangukomoka kachi nge muthu umwe amumona lyehi kahela kamwaka wakuvunga? Kaha vatuhanyineyo. Kaha Ngwayile kuli vaka Sears na Roebucks kaha ngwatambwileko mesa yayindende na vitwamo vyacho viwana, kaha—vyapwile vyakukwita ulombo, munatachikiza, kaha twavitambwile na lwola. Kaha shikaho jino Ngwayile kuli mukulwane. Weber, mukakusekasena, kaha kulandako lijiko lya kutelekela. Ngwafwetele sevete faifi ngwee, kaha ndola nakuhakilaho yaaze malonga akwingisamo. Etu twaputukile kupwa na vikwata muzuvo. Ngunanuka kumbata ulombo na kukwitaho shamrock havitwamo, omwo Ngwavikwichile vikiko. Kaha, mamalelo, etu twapwile vakuwahilila, chipwetuhu ngocho. Etu twalikundamine umwe namukwavo, shikaho chize kaha chikiko chapwile chachilemu. Kaha Kalunga, ha keke Yenya na kuwaha Chenyi, etu twapwile vakakulimbata vavandende vakuwahilila vapwile hamavu.

¹⁴¹ Ngwawane echi, nge kuwahilila kacheshi mwomwo uli na vingahi unapichi muno mukayeko, oloze kupwa na kusuwuluka ove na chihanda ocho vakuhana kupwa chove.

¹⁴² Kaha, hanyima yachize, Kalunga asulukile kaha akiswile limbo lyetu lyalindende, etu twapwile na kanyike walunga wamwendende. Lijina lyenyi apwile ikiye Billy Paul, ikiye alivene muno mukutanga chili vene hano. Kaha hanyima tuhu chindende kufuma haze jino, pamo tukweji leveni, Ikiye atukiswile cheka na kanyike wapwevo vavuluka Sharon Rose, kufuma ku lijina lya “Yize Losa ya Shilone.”

¹⁴³ Kaha Ngunanuka likumbi limwe Ngwalamine mali amwe mangana Nguyenga mukunoka, kuya kuchihela chimwe, kuze Kuchijiva cha Paw Paw, nakukwata ishi. Kaha mujila yakukinduluka. . .

¹⁴⁴ Kaha muli luzu lwola kana. . .Nguli na kuseza jino kushimutwila chetu. Vangwalumwine. Kaha vanguwavishile kuli Ndotolo Roy Davis, muwu Mishonali muliuka lya Mbaputishiti, kaha ngwapwile mukakuzata kaha ngwapwile na

mbalaka yize Nguli nakunangula jino mu Jeffersonville. Kaha Ngwapwile kufunga liuka lya lindende. Kaha Ngwa . . .

¹⁴⁵ Mbongo jauchi, Ngwafungilenga liuka mumyaka seveteni kaha kangwatambwile numba penyi ko. Kangwafwelela mukutambu-. . . Muze kakwapwile numba lilonga lya wanako. Kaha chamulikumi chize Ngwapwilenga nacho kufuma kukuzata, na vyangocho, kwapwile kachikasha kakandende kusali ya zuvo, ngwayo, kakuhaka katachikijilo, “Mwosena omwo ove nauhasa kulingila kuli vamwe vakukuminamo vavandende Vami, ove unachilingila kuli Yami.” Kaha jinonyi muze mukiko liuka valifwetelele. Etu twapwile na myaka likumi ya mukuli wakufweta, kaha vaufwetele mumyaka yamwishi yaiwali. Kaha Kanda lyehi Ngutambule wana wakala muyachi.

¹⁴⁶ Kaha jinonyi Ngwapwilenga, mamalelo, na mandola amandende Ngwalamine kuya nawo mukuhwima. Ikiye azachile, nawa, ku Fine Shirt Factory. Apwile kanyike wapwevo wa mwaza. Kaha ngwafwelela lifuka lyenyi hali kaha mbundu lelo, oloze ikiye hanga atwama mumuchima wami. Kaha Ngunanuka omwo ikiye azachile chikuma kungukafwa yami kupwa na jimbongo jakutamo ja kuya najo kuchijiva na kuta ishi.

¹⁴⁷ Kaha omwo Ngwapwile na kukinduluka kufuma kuchijiva, Ngwaputukile kumona, kwiza mu Mishawaka na South Bend, Indiana, kaha Ngwaputukile kumona jimotota japwile na vinjikizo hanyima, ngwayo, “Yesu Kaha.” Kaha Ngwashingtonyakele, “Chize chanakwivwakana chaungeji, ‘Yesu Kaha,’” Kaha Ngwaputukile kumona vize vinjikizo. Kaha vyapwile na hajikinga josena, Fords, Cadillacs, kaha na hosena, “Yesu Kaha.” Kaha Ngwakavangijile vamwe kuze, kaha vakiko vejile kuliuka lya linene. Kaha Ngwawanyine nge vakiko vapwile va Pendekosita.

¹⁴⁸ Ngwevwaho lyehi Pendekosita, oloze vapwile lizavu lya “vakakulyakanga vakujila kulyalanga hamavu na kuhajika vyakuzeneka kulumbunuka mutunwa twavo,” na vyosena vize vangulwekele. Shikaho Kangwazangile kulinga chuma chimwe navakiko ko.

¹⁴⁹ Shikaho Ngwevwile vosena vapwile na kulila, kaha Ngwashingtonyakele, “Kufwelela Nangwingila mo.” Shikaho Ngwemikile Ford yami yamwaka na kwingilamo, kaha kwimba chosena mwevwa lyehi muno mukaye! Kaha Ngwejile na kuwana nge kuze kwapwile mauka amanene avali, umwe wavo vamuvuluka ngwavo P.A. ya J.C., kaha P.A. ya W., vathu vavavulu vanahase kwanuka aze mazavu amwaka-. . . Ngwashingtonyeka vakiko vakiko vapwile va united, asanyikile, kaha asanyikile liuka lya United Pendekosita. Chamwaza, Ngwevwulilile kumilongeshi vavo vamwe. Kaha vakiko vemaneyine kuze, mamalelo, vakiko vapwile na kunangula hali

Yesu nomu Ikiye apwa wamunene, kaha nomu wunene wenyi, kaha na ha “Iujimiko lwa Shipilitu Wajila.” Ngwashinganyekele, “Vakiko vali nakuhanjika ika?”

¹⁵⁰ Kaha, hanyima tuhu, muthu umwe atumbukile helu kaha aputukile kuhanjika mumalimi. Chamwaza, Kanda lyehi nguvwenga lyehi chuma changocho muchiyoyelo chami. Kaha kwenjile pwevo umwe mukachi nakulaha chikumakuma nge omu ahashile. Kahajino vosena vakatukile na kuputuka kulaha. Kaha Ngwashinganyekele, “Chamwaza, ndumbu walunga, vakiko kaveshi navilinga vya chinyoyelo cha liuka ko!” Kutambakana na kuvilika helu na kutwalilaho, Ngwashinganyekele, “Lizavu muka eli!” Oloze, munatachikiza, chuma chimwe hali echi, omu Ngwatwalileho kutwama muze, Ngwachizangile chikuma. Muze mwasolokele nge muli chuma chimwe chamwaza. Kaha Ngwaputukile kuvatala vakiko. Kaha chatwalileho. Ngwashinganyekele, “Nanguya nakuvavandamina chindende, ’mwomwo Nanguya... Ngwahachile kuchikolo. Kachi nge chuma chimwe nachisoloka mwakuzunguma, Nangulaha na kulovoka. Ngunatachikiza noku kuli motoka yami, haze vene hambango.”

¹⁵¹ Kaha Ngwaputukile kwivwulila vamwe vakakunangula, yapwile vakakutanga na vakashikola. Mwomwoika, Ngwashinganyekele, “Chize chamwaza.”

Shikaho kwejile lwola lwa kulya, kaha ngwenyi, “Muthu wosena twaya na kupwa kulya cha chingoloshi.”

¹⁵² Oloze Ngwashinganyekele, “Vandamina munyutu kaha. Ngwambachile ndola imwe na seвете faifi yakuya nayo kwimbo, kaha Ngwa...” Aze akiko kaha mali Ngwapwile nawo amaji. Ngwambachile aze kaha akungukindulwisa kwimbo. Kaha Ngwapwile na motoka yamwaka ya Ford, yapwile Ford yamwaka yamwaza. Kayapwile yakulimbukako, yapwile nge iyi ili hano, yakuma lyehi. Kaha echi... Ngwafwelela nge ize Ford yinahase kuya tando yakuheta ku seti milos ha ola, oloze chize chapwile nge fifiteni muli *eyi* jila kaha fifiteni *eyi* jila. Mwamono, haka evi hamwe, ove mupwa na seti. Kaha shikaho echi... Ngwashinganyekele, “Chamwaza, uze ufuku Ngwashinganyeka Nanguya nakulovoka hayima yachize...” Vangutulikile kuze, mukutanga chaufuku.

¹⁵³ Kaha, mamalelo, ikiye ngwenyi, “Vosena vakakunangula, chipwetuhu muchingulwilo, twaya kuno kukamenga.” Chamwaza, kuze twapwile pamo handulendi jivali, Ngwayile kulutwe. Kaha shikaho ikiye ngwenyi, “Jino, etu katwechi na lwola lwaenu vosena kunangulako.” Ikiye ngwenyi, “Tambukenu kaha hanjika ove uhiya noku unafuminyina.”

¹⁵⁴ Chamwaza, kaha lwola lwami lwejile, Ngwambile ngwami, “William Branham, Mbatutishiti. Jeffersonville, Indiana.” Kutambuka nakuya.

155 Ngwevwulilile vosena vakwetu kulivuluka vavene, “Pendekosita, Pendekosita, Pendekosita, P.A. wa W., P.A.J.C., P.A. W, P . . .”

156 Ngwatambukile navo. Ngwashinganyekele, “Chamwaza, Ngwashinganyeka Yami nguli pato kaha wamupi.” Shikaho Ngwatwamine, nakuvandamina.

157 Kaha, lize likumbi, vakiko vapwile na, vakunangula va mwaza kuze, kaha vatangishile na ngolo josena. Kaha jinonyi vakiko ngwavo, “Ou umwe mwaza na kutuhana mujimbu ufuku uno ikiye . . .” Ngwafwelela vamusanyikile ikiye ngwavo, “Mukulwane.” Kaha vakakuzata muliuka, kachi vapwenga “Reverend,” oloze apwile “Mukulwane.” Kaha vanehele lunga wa mulatu wamwaka, kaha ikiye apwile na kochi ya mukakunangula yamwaka. Ngwahono kutachikiza nge enu mwayimonaho lyehi. Yamukile waliyembe kunyima, munatachikiza, na kola ya usungwa, kaha ikiye apwile na tujikambu tutoma kujingulwisa mutwe wenyi. Muthu wakuhutwa wamwaka, ikiye ejile nge *ngana*, munatachikiza. Kaha ikiye emanyine kuze kaha ikiye alumukile. Kaha haze vakakunagula vosena vanangwile hali Yesu na undume . . . omu wapwile Ikiye waundume, na vyangocho, uze kashinakaji ambachile kutangisa chenyi kufuma muli Yopa. “Enu mwapwile kulihize omwo Ngwalile chikuku cha kano kaye, mokomoko omwo vatanganyika vachimene vembile hamwe kaha vana va Kalunga vatambakanyine nakuwahilila?”

158 Kaha uze kashinakaji wa mwaka wakuhutwa, Ngwashinaganyeka, “Mwomwoika vanahonene kuhana vakweze kuze mangana vanangule?” Udume . . . chize chihela chazalile kaha changingingi. Kaha Ngwashinganyekele, “Mwomwoika vahonenenga vakiko ngocho?”

159 Shikaho jinonyi uze kashinakaji, kachi atangise ovyo vyapwile na kusoloka hano hamavu, ikiye aputukile ovyo vili nakusoloka Mwilu lwola lwosena. Chamwaza, ikiye amumbachile Ikiye kufumisa kumaputukilo—lwola lwa kumaputukilo, kaha ikiye amunehele Ikiye naku Kwiza Chamuchivali kuhichila mukongolo. Mwomwoika, Kanda lyehi nguuvenga kunangula chamuyachi uze muchiyoyelo chami! Halwola luze Shipilitu amuvetele ikiye, ikiye atumbukile helu nge *aha* nakuliveta kutu kukunya twenyi hamwe, kumbila mahyenyi hanyima na kuya nakuli kulijiza haze ha kamenga, ngwenyi, “Enu kamweshi nakapete kakutamo yami kunangwilamo ko.” Kaha ikiye apwile na kapete kakutamo kuhambakana nakano Ngulinako hano.

160 Ngwashinganyeka, “Kachi Ikiye chize chamulingishile uze kashinakaji kuli ngana, nachilinga ngachilihi Echi hali yami?” Ngwa—Ngwashinganyeka, “Pamo Ngunatondo vyuma vimwe Vize.” Mwomwoika, ikiye nafumu muze, Ngwamwivulilile

keke uze kashinakaji wamwaka. Oloze, omwo ikiye ayile, Ngwalivwilile keke yami lyavene. Kaha Ngwatalile hali ikiye nomu ayile.

¹⁶¹ Ngwalovokele nakuya uze ufuku, kaha Ngwashinganyekele, “Jino, chimene chikwavo Kangweshi na kuya na kwecha umwe atachikize oku, Yami hiya.” Shikaho Ngwalovolele na kuya, kaha uze ufuku Ngwashindakanyine milukwe yami. Ngwambachile...kulovoka nakuya muwande wa tiliku na kusavala, kaha Ngwayile na kulilanjila vindanda. Ove... Ngwalanjile Mulumba wavyo ha ngwee kaha. Kuze kwapwile ndilayi, Ngwaswichile na meya. Shikaho Ngwashinganyekele nge navishimbula chindende, shikaho Ngwaswichile na meya kaha ngwanwine, kaha kuya na kulya vindanda vyami. Kaha kukinduluka na kunwa cheka akwavo. Kuya muze muwande wa tiliku, kumbata vitwamo vivali kaha kwalamo mulukwe wa suti yayindende, kuyishindakanyinamo muze muchitwamo.

¹⁶² Kaha, ufuku uze, Ngwalombele vene ufuku wosena. Ngwambile ngwami, “Mwata, chuma muka echi Ngunengilamo? Kanda lyehi ngumone vathu vakakulifukula nge ava muchinyoyelo chami.” Kaha Ngwambile ngwami, “Ngukafweko ngutachikize echi chosena chili chika.”

¹⁶³ Kaha chimene chakavangijileho Ngwejile cheka kuze. Vatusanyikile kukulya chachimene. Eyovene, Kangwasakile kuya navoko, mwomwo Kangwapwile na chimwe chakuhakamoko muze mumbango ya wana. Kaha Ngwakindulukile. Kaha chimene chakavangijileho omwo Ngwengililamo, mwomwoika (Ngwalile vindanda vyami vimwe), kaha ngwatwamine. Kaha vakiko vapwile na likina lya mutoloki. Kaha kanda lyehi Ngumone likina lya mutoloki, kaha Ngwapwile na woma nachize chuma. Shikaho vakiko... Kaha lyapwile na kalungoji kakandende kakunyengela hano, kaha kakunyengala. Umwe nomu ambilile vize vyakuhanjilamo, nge. Kaha ikiye ngwenyi, “Ufuku wapwangaho, ha kamenga, hapwanga mukakunangula wakanyike hano, ka Mbaputishiti.”

Ngwashinganyekele, “Ohoho. Nguli wamwaza kuzachisa jino.”

¹⁶⁴ Kaha ikiye ngwenyi, “Ikiye apwanga mukakunangula wakanyike hano hakamenga. Lijina lyenyi apwanga ikiye Branham. Kuliko muthuumwe natachikiza okwo ali ikiye? Mulweke eze kuno, etu tuli nakumutonda ahehe mujimbu wachimene chino.”

¹⁶⁵ Mamalelo, Yami! Ngwapwile na Kachikovelo kakehi mavoko kakandende hamujimba, na mulukwe wa suti, munatachikiza. Kaha etu va Mbaputishiti twafwelela watela kuvwala suti, ha kupwa kukamenga, munatachikiza. Shikaho...Kaha Ngwa—Ngwatwamine kulungunga. Kaha halwola luze...vakiko vapwile nacho kuze Kunote mwomwo

(kukunguluka cha mafuchi osena) kachi milatu kavejileko nge chapwilile ku Musamuko. Vakiko vapwile na milatu kuze, kaha Ngwapwile wakumusamuko, ngwapwile na chinjikizo muli yami vene, mwamono, Ngwashingtonyeka Ngwapwile wambwende kuhambakana kala muthu. Kaha echi chasolokele muli chize chimene, atwamine hakamwihi na yami apwile—apwile mulatu. Shikaho Ngwatwamine na kutala hali ikiye. Ngwashingtonyeka, “Chamwaza, ikiye ali ndumbu walunga.”

¹⁶⁶ Kaha ikiye ngwenyi, “Hiya muthu natachikiza oku ali William Branham?” Ngwashikumukile muchitwamo nge *ngana*. Shikaho ikiye ngwenyi, atambakanyine kamuchivali, ngwenyi, “Kala muthu ali kuweluka” (ikiye akokele chihungo kwakamwihi na kanwa kenya) “natachikiza okwo ali William Branham? Mulweke ikiye etu twakumutonda muno mukamenga mwomwo ya mujimbu wachimene. Ikiye ali mukakunagula ka Mbatutishiti wakufuma southern Indiana.”

¹⁶⁷ Ngwatwamine kulungunga na kuutama nge pato, munatachikiza. Naumwe angutachikijile yami wauchi, mwosena. Uze kanyike walunga wamulatu atalile hali yami, ngwenyi, “Ove watachikiza okwo ali ikiye?”

¹⁶⁸ Ngwashingtonyeka. Ngwa—Ngwatela kwambulula makuli mokomoko kulingaho chimwe. Shikaho Ngwambile ngwami, “Wunda tuhu.”

Ikiye ngwenyi, “Eyo, mwane?”

Ngwambile ngwami, “Ngwakutonda kukulweka chuma chimwe.” Ngwambile ngwami, “Ngwa—Yami vene.”

Ikiye ngwenyi, “Chamwaza, yako kuze.”

¹⁶⁹ Kaha Ngwambile ngwami, “Nduma, Kangweshi kuhasako. Talenu,” Ngwambile ngwami, “Ngukwechi eyi toloshi ya suti yamwaka na Kachilovelo kakandende.” Ngwambile ngwami, “Kangweshi kuhasa kuya kuzeko.”

¹⁷⁰ Ikiye ngwenyi, “Vakiko vathu kavazakama ko omu ove unavyale. Yako kanduka kuze.”

Ngwambile ngwami, “Nduma, nduma.” Ngwambile ngwami, “Unda kaha, kanda kuhanjika chuma chimwe ko jino.”

¹⁷¹ Kaha vakiko vejile cheka kulikina lya kutambakana munyutu, ngwenyi, “Kala muthu natachikiza oku ali ou William Branham?”

¹⁷² Ikiye ngwenyi, “Uno ali hano! Uno ali hano! Uno ali hano!” Mamalelo, yami! Ngwayile Kuze na kaze Kachikovelo kakandende, munatachikiza. Kaha hano Nguli . . .

¹⁷³ Ikiye ngwenyi, “Twaya kuno, Mukulwane. Branham, etu twando utuhane mujimbu.” Mamalelo, yami, kumeso avakiko vakakunagula vosena, humuu, vathu vosena! Kaha Ngwayile nakukanduka helu, munatachikiza. Na meso ami ngengu,

kaha matwitwi ami kuwemuna. Kaha Ngwayile nakukanduka helu, na toloshi ya suti na Nakachikovelo, mukakunangula, mukakunagula wamu Mbaputushiti kuya ku mutoloki, kanda lyehi amone mutoloki, enu mwamone.

¹⁷⁴ Kaha Ngwemanyine kuze, Ngwambile ngwami, “Chamwaza, Ngwa—Ngwa—Ngwahone kutachikiza echi.” Ngwaputukile kumamanya, na chiwomawoma, munatachikiza. Kaha—kaha Nguli hano mu Luka 16, kaha Ngwashingtonyekele, “Chamwaza, jino...” Kaha Ngwa—Ngwapwile na mutwe wachihande, “Kaha ikiye andwile meso muze muhetese, kaha alilile.” Kaha Ngwambachile... Shikaho Ngwa—Ngwaputukile kunangula, munatachikiza, kaha Ngwanangwile kaha ngwevwile kuwaha chindende. Kaha Ngwambile ngwami, “Uze pichi apwile muhetese, kaha ikiye alilile.” Aze mazu atatu amandende, nge omu Nguli navyakunagula nge ngana, “Mwafwelela Ove Echi,” na “Hajika Ku Lize Lilolwa,” enu mwangwivwa lyehi yami kunangula evi. Kaha Ngwevwile, “Kaha jino ikiye alilile.” Kaha Ngwambile ngwami, “Muze kamwapwile vanako, punduvene muze muhetese. Kahajino ikiye alilile.” Kaha Ngwambile ngwami, “Muze kamwapwile temoko. Kahajino alilile. Muze kamweshi Kalungako. Kahajino ikiye alilile. Muze kamweshi Kulishitu ko. Kahajino alilile.” Kahajino Ngwalilile. Chuma chimwe changukwachile yami. Yami! Mamalelo, Yami! Hanyima, Ngwahono kutachikiza omu chasolokele. Omwo Ngwalihilwishilemo amilyavene, Ngwemanyine haweluka. Vakiko vathu vapwile na kutetumuka na kutambakana na kulila, kaha Ngwa, etu twapwile nalwola lwamwaza.

¹⁷⁵ Omwo Ngwejile kuweluka kwapwile mukweze umwe ejile kuli yami na vwale litepa lyalinene lya ku Texas, na majombolo amanene, kutambuka nakwiza kuliyami, ngwenyi, “Yami Mukulwane *Mungaji mukananga*.” Mukakunangula, na majombolo akafunga wavangombe, na uvwalo wakafunga wavangombe.

Ngwashingtonyekele, “Chamwaza, kumana toloshi ya suti yami kayapihile chikumako.”

¹⁷⁶ Ngwenyi, “Ngwakutondo wukeze ku Texas ukanguhizumwishile ko nayami.”

¹⁷⁷ “Huu-u, echa ngutulike echi oku, mukulwane.” Kaha Ngwahumbwile chize.

¹⁷⁸ Mukwavo weka ejile umwe wavaze vavandende, na toloshi ya ngofu, ize yapwile yakwashisa ngofu, munatachikiza, na kangamwina. Ikiye ngwenyi, “Yami *Mukulwane Mungaji mukananga* kufuma ku Miami. Ngwakutondo ku...”

¹⁷⁹ “Yami, pamo kuvwala chakuzeneka kuwaha chikuma.” Ngwatalile hali chize, kaha Ngwashingtonyekele, “Chosena chakwoloka.”

180 Shikaho Ngwakwachile evi vyuma, kaha Ngwayile Kwimbo. Pwevo lyami anguwanyine, ikiye ngwenyi, “Mwomwoika unakusoloka kuwahilila hachuma muka, Billy?”

181 Ngwambile ngwami, “Mamalelo, Ngwaliwananga na umbonga wambuto. Yami, chuma chimwe ove chamwaza kanda lyehi umone. Ava vathu kavapwile na sonyiko cha kulifukula chavo.” Kaha, mamalelo, Ngwamulwekele ikiye hali vyosena vize. Kaha Ngwambile ngwami, “Kaha tala hano, uchi wami, mukana wava kusanyika. Vakiko vathu!”

Ikiye ngwenyi, “Vakiko kaveshi vakakulyalanga vakujila ko, nyi chiku?”

182 Ngwambile ngwami, “Ngwahono kutachikiza muyachi wawakakujila va kakulyalanga, oloze vakiko vakwechi chuma chimwe chize Ngwatondanga.” Talenu? Ngwambile ngwami, “Chize—chize chuma chimwe Yami ngwakunyuka.” Ngwambile ngwami, “Ngwamwene kashinakaji wamwaka, na myaka nite yakusemuka, kupwa kanyike cheka.” Ngwambile ngwami, “Kanda lyehi nguvwenga kunangula chamuyachi ngana muchiyoyelo chami. Mwomwoika, Kanda lyehi ngumone kunangula chayamuyachi uze mu Mbaputishiti.” Ngwambile ngwami, “Vakiko vanangwile palanga vakiko vahetele na haseteko yakuhona nakuhwima, kaha vanongamine nakufukama hamavu, kukinduluka, kuhwimasana. Kuvevwa vakiko kufuma kwakusuku, hanga anangula.” Kaha Ngwambile ngwami, “Kanda—Kanda lyehi nguvwenga chamuyachi ngana muchiyoyelo chami.” Kanda Ngwambile ngwami, “Vakiko vahanjikile mumalimi akuhona kutachikiza, kaha chuma chikwavo ovyo vahanjikileho. Kanda lyehi nguvwenga chuma kana muchiyoyelo chami!” Ngwambile ngwami, “Ove nauya nayami?”

183 Ikiye ngweyi, “Ove uchiwami, omwo Ngwakumbachile ove, Nanguya nakukakachila nayove palanga kufwa nachikaya nakutuhandununa etu.” Ikiye ngwenyi, “Nanguya.” Ikiye ngwenyi, “Jino, etu natuya nakuvalweka vakiko.”

184 Kaha Ngwambile ngwami, “Chamwaza, ove lweka mamayove kaha Nangulweka mamayami.” Shikaho etu... Ngwayile kaha ngamulwekele Mama.

185 Mama ngwenyi, “Chamwaza, punduvene, Billy. Kwosena Mwata nakusanyika kulinga, yako ukalinge.”

186 Kaha shikaho Pwevo lya. Brumbach ikiye angutondele yami nguyenga kuli ikiye. Ngwayileko. Ikiye ngwenyi, “Chuma muka echi uli nakuhanjika?”

187 Kaha Ngwambile ngwami, “Mamalelo, Pwevo lya Brumbach,” Ngwambile ngwami, “enu kanda lyehi muvamone vathu kana.”

Ikiye ngwenyi, “Hola kulu! Hola kulu!”

Ngwambile ngwami, “Eyo, mama.” Ngwambile ngwami, “Yami ngukonekeleko.”

Kaha ikiye ngwenyi, “Ove watachikiza lize lizavu lya vakakujila vakulyalanga?”

¹⁸⁸ Ngwambile ngwami, “Nduma, mama, Ngwahonene kutachikiza chize.” Ngwambile ngwami, “Vakiko—vakiko tele vapwa vathu vamwaza.”

¹⁸⁹ Ikiye ngwenyi, “Chize chishinganyeka! Ove washinganyeka nge ove nauya nakukoka mwanami wapwevo muvyakufwana nge ngachize!” Ngwenyi, “Yakwokwo! Chize kacheshi chuma shina majilo aze mauka akwavo vanambili.” Ikiye ngwenyi, “Mukiko vene! Ove kaweshi kuhasa kuneha mwanami wapwevo mujila izeko.”

¹⁹⁰ Kaha Ngwambile ngwami, “Oloze, unatachikiza, Pwevo lya Brumbach, mukachi ka muchima wami Ngwevwile nge Mwata natondo yami nguyenga navaze vathu.”

¹⁹¹ Ikiye ngwenyi, “Ove yako kuliuka lyove palanga nomu vakiko navapwa vakuhasa kukuhana zuvo, kaha mukalinganga nge lunga uze akwechi mangana.” Ngwenyi, “Ove kaweshi kutwala mwanami wa pwevo kuzeko.”

Ngwambile ngwami, “Eyo, mama.” Ngwalumukile nakulovoka nakuya.

¹⁹² Kaha Hope aputukile kulila. Ikiye alovokele, ambile ngwenyi, “Billy, numbatuhu Mama nahanjika ngachize, Yami nangutwama nayove.” Kisula muchima wenyi!

Kaha Ngwambile ngwami, “Mamalelo, chosena chili chakwoloka, uchi wami.”

¹⁹³ Kaha Ngwechele chize chahichile. Ikiye kechele mwanenyi wapwevo kuya na vaze vathu kanako ’mwomwo “Kavapwile chumako shina vihwahwa kaha.” Kaha shikaho Ngwavyechele viyenga vene ngocho. Chize chapwile kuseuka chimwe chapwile chachipi Ngwalingaho lyehi muchiyoyelo chami, chuma chimwe chachipi.

¹⁹⁴ Kaha chindende kaha kufuma haze, hahichile myaka yayindende, vana vejile. Kaha likumbi limwe etu twapile. . . kwejile livaji, mumwaka wa 1937. Kwejile livaji. Kaha vyetu. . . Ngwapwile hamulimo wakuhitangana ha lwola luze kaha Ngwapwile na kweseka mwami mwosena kufumisa vathu mulivaji, mazuvo kupuzunjoka. Kaha puwami avijile, avijile vene, avijile musongo wamutulo. Kaha vamufumishile muze. . . Mu chipatela chalikungumbuwa chazalile kaha kavahashile kumuhaka muze ko, shikaho twamufumishilemo muze na—na kumutwala kufulumende kuze kwapwile vapwile na kapeka. Kaha shikaho vangusanyikile ngukinduluke. Kaha Ngwapwilenga lwola lwosena wakuyoyela kulwiji, muthu wamuwato, shikaho Ngwapwile na kweseka kumbata vathu,

kuvayovola kufuma mulize livaji. Kaha jinonyi Ngwahashile . . . umwe . . .

¹⁹⁵ Vakiko vanguardanyikile yami, ngwavo, “Nge kuli zuvo ku Jila yaku Chestnut, yili hakamwihi nakujiminyina. Muze muli naye na lizavu lya vana,” ngwavo, “kachi ove unashinganyeka nge wato wove, na likina lya kuwato wove linahase kukuhetesa kuze kulivakiko.”

Ngwambile ngwami, “Chamwaza, Nangweseka mwoyena Nanguhashila.”

¹⁹⁶ Kaha Ngwa, pulasanyine muli aze makimba. Kaha chakuvuwisa chahokokele, kaha, mamalelo, yami, aze . . . nakukosa mbongi yosena. Kaha Ngwahanyine uze musoji wosena omwo Ngwahashile, kaha makumishilo kuzauka ize jila kuhita muvize vihela. Kaha Ngwahetele kuze kwakwamwihi na kuze kwapwile kwamwaka ku levee, meya apwile na kuhingunuka. Kaha Ngwevwile umwe kutambakana, kaha Ngwamwene mama umwe nimana musenge. Kaha aze mapolopela alinakujinguluka ngana. Chamwaza, Ngwayile *ngana* kutesekesa na luze lumbushi Ngwapwile nalwo, kemana kuze kaha kukinduluka cheka na kuheta kusali ize. Ngwemikile wato wami halwola luze mangana ngukase kujize jipanda, muze jazamina, javize vikolo ja muze musenge. Kaha ngwalahile na kwingila nakumbata uze mama na kumuhakamo, na vase vana vavali mokomoko vatatu. Kaha Ngwazalishile wato wami na kuya kuli ikiye . . . kukinduluka. Kulovoka kwiza cheka mujila nakushikumuka, kumutwala na kutunda, pamo tunda ya milo yimwe na chimbwa kuhita na kuya kuli ize mbongi, palanga nomu Ngwamutwalile kutunda. Kaha jinonyi omwo Ngwayile kuze, ikiye alezumukile. Kaha ikiye aputukile . . . ikiye apwile nakutambakana, “Kemba yami! Kemba Yami!”

¹⁹⁷ Chamwaza, Ngwashinganyekele nge ikiye apwile na kamba naseze muze muzuvo. Mamalelo, Yami! Ngwakindulukile cheka shimbu vakiko vapwile na kweseka nakumukafwa ikiye. Kaha, Ngwejile na kuwana nge, chapwile . . . mokomoko ikiye atondele kutachikiza kaha nge kamba yenyi ali kulihi. Muze mwapwile umwe wamundende kafwe na myaka yitatu yakusemuka, kaha Ngwashinganyekele ikiye alinakuvuluka kamba wakumavele mokomoko pamo ngocho.

¹⁹⁸ Kaha shikaho Ngwakatukile na kuya kuze. Kaha omwo Ngwambachile uze wato kwingalamo na kuya kaha kangwawanyine kamba muzeko, kaha ize senge yahungumukile kaha na ize zuvo yashikumukile na kwingila. Kaha Ngwalahile washu washi na kukwata chize—chize chihanda chapwile na kufunguka wato wami, ngwengilile muwato, kaha kukoka luze lungoji lwakukwashisa lwapwile lwambwembwele.

¹⁹⁹ Kaha ngwahungumukile namuta nakushikumuka mukalwiji ivene. Kaha kwapwile pamo kuma twende seli seti yaufuku,

kuya kaha nakusenena nakuhungumuka. Kaha Ngwakwachile kulungoji lwakukwachisa kaha ngwesekele kukoka wato, kaha kawahashile kukwatoko, kaha Ngwesekele cheka kaha kawakwachileko, kaha Ngwesekele cheka. Kuya lika muze mumuta, majinga mwishi yayami. Kaha Ngwapwile na kweseka na ngolo josena, kaha Ngwashinganyekele, “Mamalelo, yami, hano—hano hakiko hamakumishilo ami! Chikiko vene echi!” Kaha Nangweseka nangolo josena. Kaha Ngwambile ngwami, “Mwata, mwane kanda mwecha ngufwenga nganako,” kaha Ngwakokele kaha Ngwakokele.

200 Kaha chakindulukile cheka kuli yami, “Nyi ngachilihi lize lizavu lyavaze vihwahwa ove wahonene kuyako?” Talenu? Hu-huu.

201 Ngwahakile cheka livoko lyami ha wato, kaha Ngwambile ngwami, “Kalunga, nguvwile keke yami. Kanda mwecha nguseze puwami na kamba ngachizeko, kaha vakiko vali nakuviza! Mwane!” Kaha ngwatwalileho kukoka ngana, kaha kayakwachileko. Kaha Kangwevwile kuvwuma kuze kwishiko, ’mwomwo Ngwa...Munyutu yayindende, kaha, mamalelo, yami, nachipwa ngachilihi. Kaha Ngwambile ngwami, “Mwata, kachi Ove naungukonekela yami, Ngwakushiki nge Nanguya Nakulinga kalachuma.” Kufukama muze muwato, kaha aze makimba kunguveta yami kumeso. Ngwanbile ngwami, “Nanguya nakulinga kala chuma Ove nautonda yami kulinga.” Kaha Ngwakokele cheka, kaha yakwachile. Kaha Ngwasokolwele peho yosena nge omu Ngwahashile, kaha makumishilo ngwahetele kutunda.

202 Kaha Ngwayile kuyima nakutonda truck, patrol truck. Kaha Ngwashinganyekele...Kwapwile vamwe ngwavo, “Hanjika, fulumende yinahungumukila hamwe.” Pwevo lyami na kamba muze, vakamba vosena vavali.

203 Kaha Ngwayile kufulumende washi washi nge omu Ngwahashile, kaha meya anafumika na kuheta kufifiteni feti mukukunama mwosena. Kaha kuze kwapwile fumbelo wamunene, kaha Ngwambile ngwami, “Fumbelo, chasolokanga ngachilihi muchipatela?”

Ngwenyi, “Jino, kanda kulizakaminako. Ove uliko naumwe muze?”

Ngwambile ngwami, “Eyo, ali—ali pwevo wakukola na vakamba vavali.”

204 Ikiye ngwenyi, “Vosena vana lovokamo.” Ngwenyi, “Vosena vali mumotoka ya ndeke kaha vali nakuvatwala ku Charlestown.”

205 Ngwalahile, kwingila muwato wami kaha...mokomoko kwingila mumotoka yami, kuha wato wami kuyima, na kulahlilako kuze... Kaha jino makimba ejile kutanduuka kuheta

ku faifi tuna chimbwa cha seli mokomko sikisi milosi. Kaha ufuku wosena Ngwesekele...Vamwe ngwavo, "Ize motoka, motoka ya ndeke, yakosanga ize njaji nakuyifumisa ha jipanda jacho."

²⁰⁶ Chamwaza, kuliwana amilyavene wakupapula kusali ya kalitungu kakandende, kutwama haze makumbi atatu. Ngwapwile na lwola lwaluvulu lwa kushinganyeka nge Chize chapwanga majilo mokomoko nduma. Kuveta kaha, "Pwevo lyami alikulihi?"

²⁰⁷ Makumishilo omu Ngwamuwanyine ikiye, mumakumbi amandende hanyima yakufuma kuze Ngwapwile musali, ikiye apwile mujila ya kuya ku Colombus, Indiana, mu Zuvo yayinene ya Mbaputishiti kuze vatungile nge—nge chipatela, tupete twavakakuviza hamihela ya fulumende. Kaha Ngwalahile kuya kuli ikiye na ngolo jami josena Ngwahashile, kweseka kuwana okwo apwile ikiye, kutambakana, "Hope! Hope! Hope!" Kaha Ngwatalile, kaha nasavala ha kahela, kaha TB inamwingila.

Ikiye andwile livoko lyenyi lya chifuwa lyalindende, kaha ikiye ngwenyi, "Billy."

Kaha Ngwalahile kuli ikiye, kaha Ngwambile ngwami, "Hope, ove uchi wami."

Ikiye ngwenyi, "Kangwasolokele kanawako, nyi Chiku?"

Ngwambile ngwami, "Nduma, uchi wami, ove unasoloka kanawa."

²⁰⁸ Mwahichile tukweji pamo sikisi etu twazachile na vyosena vyapwile muli etu, kweseka kulwila chioyelo chenyi, oloze ikiye atwalileho kuyowa na kuyowa.

²⁰⁹ Likumbi limwe Ngwapwile mukuhitangana kaha Ngwapwile na chisaji chami chapwile chakuwika, kaha Ngwashinganyeka nge ngwavevwile vakiko kuhanjika, kusanyika ha chisaji, ngwavo, "Cha William Branham, vanakumutonda kuchipatela holyapwa vene, pwevo alina kufwa." Ngwalahilile kuchipatela washi washi nge omu Ngwahashile, kumwika malati achila na ndolombita, kaha nakuya. Kaha jinonyi Ngwa—Ngwahetele kuchipatela kaha Ngwemanyine, nakulahila mukachi. Kwiza muze nakuhita muze—muze muchipatela, Ngwamwene sepa lyami wamuwinyike uze etu twakwachilenga nenyi ishi hamwe, twalahilenga nenyi hamwe omu twapwilenga vanyike vamaunga, Sam Adair.

²¹⁰ Ndotolo Sam Adair, ikiye umwe uze chimweno chejile keshi hanyima chikumako na kumulweka ikiye vya chipatela chachindende. Kaha ikiye ngwenyi, kachi kuli muthu mwakakasana chize chimweno, musanyike kaha ikiye kaha tambula, ove unakutonda kutachikiza nge chakwoloka nyi nduma.

211 Kaha shikaho ikiye alovokele na kwiza nge ngana, kaha ikiye apwile na litepa lyenyi mulivoko lyenyi. Ikiye atalile hali yami kaha aputukile kulila. Kaha Ngwalahile nakukanduka kuli ikiye, ngwambilile mavoko ami hali ikiye. Ikiye ahakile mavoko eyi hali yami, ngwenyi, “Billy, ikiye alinakuya.” Ikiye ngwenyi, “Yami ngwalinyenge. Nguneseka mwosena Ngunahase kulinga, Nguli nauze avitachikiza na vyosena.”

Ngwambile ngwami, “Sam, pundu keshi kuyako!”

Ngwenyi, “Yaa, ikiye alinakuya.” Kaha ikiye ngwenyi, “Kanda kwingila muzeko, Bill.”

Kaha Ngwambile ngwami, “Ngwatela kwingilamo, Sam.”

Kaha ikiye ngwenyi, “Kanda kuchilingako. Kanda, kulingamoko mwane.”

Ngwambile ngwami, “Echa yami nguyengamo.”

Ngwenyi, “Nanguya nayove.”

212 Ngwambile ngwami, “Nduma, ove twama kuno. Ngwatondo kutwama nyeni jiminyutu jenyi jamakumishilo.”

Ngwenyi, “Ikiye na lezumuka.”

213 Ngwayile muze mukapete. Kaha uze neshi apwile natwame kuze, kaha ikiye apwile na kulila ’mwomwo ikiye na Hope apwile umwe vatangilile hamwe shikola. Kaha shikaho Ngwatalile haze, kaha ikiye aputukile kulila, ahakile livoko lyenyi helu. Kaha aputukile kutambuka.

214 Kaha Ngwatalile haze, kaha kumunyikisa ikiye. Kaha uze haze, kuhokama kufuma ku handulendi na twende paudi, kuheta ku sikisite. Kaha Ngwa—Ngwamunyikishile. Kaha kachi nge Nanguyoya myaka handulendi yakusemuka, Kangweshi kavulyamako omwo chasolokele. Ikiye alumukile, kaha aze meso amanene amwaza atalile hali yami. Na ikiye mwesu. Ikiye ngwenyi, “Mwomwoika wangusanyikila nakungukindulwisa, Billy?”

Ngwambile ngwami, “Ove uchiwami, Nguli kaha na ’muchihwihwi.”

215 Ngwatela kaha kuzata. Twapwanga na mukuli wa handulendi yaji ndola ya ndotolo, kaha vyakufweta vyauchi. Kaha Ngwatela kaha kuzata. Kaha Ngwamumwene ikiye pamo kavali mokomoko katatu halikumbi, na kala ufuku, omwo ikiye apwile muize seteko.

Ngwambile ngwami, “Ove watwale mulihize, ‘Kusanyika’ ove ‘cheka?’”

216 Ikiye ngwenyi, “Bill, ove watangisa ho lyehi Echi, ove wachihanjikaho lyehi Echi, oloze kawatachikizako omwo chapwa Echi.”

Ngwambile ngwami, “Ove uli nakuhanjika ika?”

²¹⁷ Ikiye ngwenyi, “Mwilu.” Ikiye ngwenyi, “Tala,” ikiye ngwenyi, “Vapwanga na kungushijikiza Kwimbo kuli vathu vamwe, malunga na mapwevo mokomoko vyuma vimwe. Vakiko vapwanga vana vwale vitoma.” Kaha ikiye ngwenyi, “Ngwapwanga mukuunda nakukwivwa kanawa.” Ngwenyi, “Tujila vavanene vamwaza kutuka kufuma kumutondo nakuya kumutondo.” Ikiye ngwenyi, “Kanda mushinganyeka nge Yami nguli ukawamiko.” Ikiye ngwenyi, “Billy, Yami nanguya nakukulweka ove kuseuka chetu.” Ikiye ngwenyi, “Twama hamavu,” Kangwa; Ngwafukamine hamavu, kumbata livoko lyaenyi. Ikiye ngwenyi, “Ove unatachikiza hapwile kuseuka chetu?”

Kaha Ngwambile ngwami, “Eyo, ove muchima wami, Ngwatachikiza.”

²¹⁸ Ikiye ngwenyi, “Etu kachi katwamwivwulile Mama ko. Vaze vathu vapwile vakwoloka.”

Kaha Ngwambile ngwami, “Ngwachitachikiza echi.”

²¹⁹ Ikiye ngwenyi, “Ngushike yami echi, nge naukaya kuli vaze vathu,” ngwenyi, “mwomwo vakiko vali vakwoloka.” Kaha ikiye ngwenyi, “Kakulisa vanavami nge ngachize.” Kaha Ngwa . . . Ikiye ngwenyi, “Ngwakutonga kukulweka chuma chimwe.” Ikiye ngwenyi, “Yami nguli nakufwa, oloze” ngwenyi “echi chili . . . Kangwa—Kangwalinyegele kuya ko.” Ngwenyi, “Chili—chili chamwaza.” Ikiye ngwenyi, “Chuma chimwe kaha, Ngwajinda kukuseza ove, Bill. Kaha Ngwatachikiza ove ukwechi kukulisa aya vana vavandende.” Ikiye ngwenyi, “Ngushike yami nge—nge ove kaweshi kutwama muujike kaha vana vami vapwenga vakukokele oku noku.” Chize chapwile chamangana kufuma kuli chisemi wapwevo ali na myaka yakusemuka twende wani.

Kaha Ngwambile ngwami, “Kangweshi kushika ngochoko, Hope.”

²²⁰ Ikiye ngwenyi, “Ngwalembe ngushike.” Ngwenyi, “Chuma chimwe Ngwatondo kukulweka ove.” Ngwenyi, “Ove unanuka uze uta?” Yami ngwapwa wakuzaluka hamata. Kaha ikiye ngwenyi, “Ove watondele kulanda uze uta lize likumbi oloze kawapwile na mali akutamoko akufwetako.”

Ngwambile ngwami, “Eyo.”

²²¹ Ikiye ngwenyi, “Ngunapunga nalukulama mali ami, mangwee, kweseka kutulika amwe akufwetako kuli uze uta wove.” Ikiye ngwenyi, “Jino, nge evi vinalichiki kinduluka kaha yako kwimbo, katale ha kahela wafutula . . . mokomoko uze kahela wakuvunga, mwishi ya lize lipepa helu, kaha naukawana mali haze.” Ikiye ngwenyi, “Ngushike nge nauya nakulanda uze uta.”

222 Enu munahono kutachikiza omwo Ngwevwile omwo Ngwamwene aze mali wanimandola sevete faifi ngwee (mu mangwee) anasavala haze. Ngwalanjile uze uta.

223 Kaha ikiye ngwenyi, “Ove unanuka luze lwola ove wapwile nakuya ku downtown na kungulanjila yami ma sokishi, kaha twapwile na kuya ku Fort Wayne?”

Ngwambile ngwami, “Eyo.”

224 Ngwafuminenga na kuta ishi, kaha ikiye ngwenyi. . . .Etu twayile ku Fort Wayne, Ngwatangishile uze ufuku. Kaha ikiye ngwenyi, “Ove unatachikiza, Ngwakulwekele ove, ‘Nge kuli miyachi yivali.’” Yimwe ngwavo “Chiffon.” Kaha ikwavo ika, rayon? Echi chakwoloka? Rayon na chiffon. Chamwaza, kala chosenocho, chiffon chikiko chapwile chamwaza. Echi chakwoloka? Kaha ikiye ngwenyi, “Jino, ngulajileko chiffon, muyachi uvene.” Ove unatachikiza chize chikwechi chuma chimwe helu lya ize sokishi yayindende, helu yacho? Kaha Ngwahonene kutachikiza chuma chimwe ha uvwalo wamapwevoko, shikaho Ngwa. . . .

225 Kaha Ngwapwile na kuya kumujila na kuhanjika, “Chiffon, chiffon, chiffon, chiffon,” kweseka kupwa na kushinganyekaho, “chiffon, chiffon, chiffon.”

Mutumwe ngwenyi, “Mwoyo, Billy!”

226 Ngwambile ngwami, “Hoo, mwoyo, mwoyo.” “Chiffon, chiffon, chiffon, chiffon, chiffon.”

227 Kaha Ngwayile nahambango kaha Ngwaliwanyine na Mukulwane. Spon. Ikiye ngwenyi, “Haa, Billy, ove unatachikiza nge musuza unaheteho lyehi?”

Ngwambile ngwami, “Eyo unatemo, echi chakwoloka?”

“Yaah.”

Ngwashinganyekele jino, omwo Ngwamusele ikiye, “Chuma muka chize?” Ngwachivulyamine chize.

228 Shihaho Thelma Ford, kanyike wapwevo Ngwatachikijile, azachilenga muchitanda cha ten-cent. Kaha Ngwatachikijile nge veji kulanjisanga masokishi amapwevo, shikaho Ngwayile kuze. Ngwambile ngwami, “Mwoyo, Thelma.”

Kaha ikiye ngwenyi, “Mwoyo, Billy. Uli ngachilihi? Hope ali Ngachilihi?”

229 Kaha Ngwambile ngwami, “Chamwaza.” Ngwambile ngwami, “Thelma, Ngwatondo masokishi a Hope.”

Ikiye ngwenyi, “Hope katonda masokishiko.”

Ngwambile ngwami, “Eyo, mama, ikiye kawatondako.”

Ngwenyi, “Pamonyi ma stockings.”

230 “Mamalelo, punduvene,” Ngwambile ngwami, “owo akiko vene.” Ngwashingtonyekele, “Huu, Ngunasolola lyehi kuhona kutachikiza chami.”

Kaha ikiye ngwenyi, “Muyachi muka ikiye natondo?”

Ngwashingtonyekele, “Huu!” Ngwambile ngwami, “Muyachi muka uli nawo?”

Ikiye ngwenyi, “Chamwaza, tukwechi rayon.”

231 Ngwahonene kutachikiza chihandwa. Rayon, chiffon, kwivwakana chochimwe. Ngwambile ngwami, “Chikiko vene Ngwatondo.” Ikiye ngwenyi... Ngwambile ngwami, “Ngukashile jivali jacho, jakulifwana.” Kaha ikiye... Ngwambachile chakuhenga. Chuma muka? Chakulifwana vene. “Kulifwana vene.” Kaha shikaho Ngwambile ngwami, “Ngukashilewo yami.”

232 Kaha omwo ikiye ayile nakunguhawo yami, akiko apwile kaha seti ngwee, twende mokomoko seti ngwee, chimbwa chandando. Chamwaza, Ngwambile ngwami, “Nguhane miyachi ivali yacho.” Talenu?

233 Kaha Ngwayile cheka kwimbo, kaha Ngwambile ngwami, “Ove unatachikiza, uchi wami, enu chitanda cha mapwevo kwosena mumbaka kuwana kwakukakasana.” Enu munatachikiza omwo mwazanga kutambakana. Kaha Ngwambile ngwami, “Oloze hano, tala hano, Ngwalande miyachi ivali ha ndando ize watelenga kulanda nacho imwe. Talenu?” Ngwambile ngwami, “Mamalelo, chize—chize chapwanga chamungolo jami.” Talenu, Ngwambile ngwami—Ngwambile ngwami, “Unatachikiza, Thelma nangulanjisa yami evi.” Ngwambile ngwami, “Ikiye navichipisa nakungulanjisa vyo ha chimbwa cha ndando.”

Ikiye ngwenyi, “Ove walande chiffon?”

234 Ngwambile ngwami, “Eyo, mama.” Chevwakanyine chochimwe kuli yami, Ngwahonene kutachikiza nge kwapwile chihandwa.

235 Kaha ikiye angulwekele yami, ikiye ngwenyi, “Billy.” Ngwashingtonyekele mweka omwo ikiye omu twahetele ku Fort Wayne, ikiye alanjile ma Stockings eka. Ikiye ngwenyi, “Nanguwahana kuli mama yove,” ngwenyi, “apwa amapwwevo va tushinakaji.” Ngwenyi, “Yami ngukonekele Ngwalinganga ngachize.”

Kaha Ngwambile ngwami, “Mamalelo, chize chakwoloka, uchi wami.”

236 Kaha ikiye ngwenyi, “Jino, kanda—kanda kayoya mujikekeko.” Kaha ikiye ngwenyi... Ikiye katachikijileko nge chize nachiya nakusoloka mumaola amandende kufuma haze. Kaha Ngwakwachile kumavoko eyi awusepa shimbu Vangelo ja Kalunga vamwayishile na kuya.

237 Ngwayile kwimbo. Ngwahonene kutachikiza nomu mwakulingila. Ngwasavalile ufuku uze kaha Ngwevwile... Ngwashinganyeka apwile katumbi kakandende, apwile kuchikolo chamwaka kuze kwapwile mapepa. Kaha Ngwasokele chize chikolo na chipundo chami, kaha kuze kwapwile nduleji yenyi yakusukika kuyima yachize chikolo, (kaha ikiye ali muze mukankelo). Kaha chindende kaha muthumwe mwangusanyika, ngwenyi, "Billy!" Kaha apwile Ndumbu walunga Frank Broy. Ikiye ngwenyi, "Kemba yove alinakufwa."

Ngwambile ngwami, "Kemba yami?"

238 Ngwenyi, "Eyo, Sharon Rose." Ngwenyi, "Ndotolo alikuze hano vene, kaha ngwenyi, 'Ikiye akwechi tubercular meningitis, awamwanga kuli naye.'" Kaha ngwenyi, "Ali nakufwa."

239 Ngwengilile mumotoka, nakuyako kuze. Kaha kumuwana kuze apwile, chuma chachindende chamwaza. Kaha vamulahishile kuchipatela.

240 Ngwayile nakumutala ikiye. Sam ejile kaha ngwenyi, "Billy, kanda uya nakwingila muze mukapeteko, ove watela kushinganyeka Billy Paul." Ngwenyi, "Ikiye alinakufwa."

Ngwambile ngwami, "Ndotolo, Ngwa—Ngwatela kuya nakumumona kemba yami."

241 Ikiye ngwenyi, "Nduma, ove kawatela kuyamoko." Ngwenyi, "Ikiye akwechi Meningitis, Billy, kaha naumumbachilawo Billy Paul."

242 Kaha Ngwavandaminyine palanga nomu alovokelemo. Ngwahonene kwimana kumumona ikiye amu apwile nakufwa, kaha naye nasavala muze mwakulamina vafu. Nangumilweka, jila yamuka kuzombojoka jishimbi eli yayikalu. Kaha Ngwa—Ngwayile, kuseunikilamo kuchikolo, kaha omu Sam alovokele kaha nauze nasi alovokele nakuya, Ngwayile muze vene mukapete mwishi. Kapwile nakakiko nawa kachipatela kakandende. Ikiye mukapete kakuhandunuka, kaha vajiji vapwile mumeso eyi amandende. Kaha vapwile na kakandende... aka tuli nakuvuluka ngwetu "mosquito bar," mokomoko kalyoji kakandende hameso eyi. Kaha ikiye... na kutunya lyalindende, lihinji lyenyi lyalinene lyapwile na kutambuka helu na hamavu nge ngana, kaha mavoko eyi amandende, na lize kutunya. Kaha Ngwatalile hali ikiye, kaha apwile vene wamunene vene kuhasa kumona kandeke, kafwe wa tukweji yakusemuka eyiti.

243 Kaha naye apwilenga na kumwecha na kumuvwikanga na uvwalo wajimbango jiwana, munatachikiza, muze muyati, omwo Nangwiza. Kaha nanguvwumisa ngezo, kaha ikiye mwaya, "ngu-ngu, ngu-ngu," kungusambilila yami, munatachikiza.

244 Kaha lelo wakuzanga wami nasavala haze, nakufwa. Ngwatalile hali ikiye, kaha Ngwambile ngwami, "Sharry,

Unatachikiza Tata? Unatachikiza Tata, Sharry?” Kaha omwo atalile... Ikiye apwile nakuviza chikuma palanga na limwe liso lyalumukile kupwa lyauzungwa. Chize chatondele kupula muchima wami muliyami.

²⁴⁵ Ngwafukamine, Ngwambile ngwami, “Mwata, chuma muka Ngwalingi? Kangwatangishile Mujimbu wamwaza hajikona jajijilako? Ngunalingi vyosena vize Ngwatachikijile kulinga. Kanda kupwa na kulundundu hali yamiko. Kangwasanyikile vaze vathu kupwa ‘vikwaukwawu’ ko. Ikiye avasanyikile vaze vathu kupwa ‘vikwawukwawu’” Ngwambile ngwami, “Ngukonekele avi vyasolokele. Ngukonekele yami. Kanda—kanda mumbata kemba yamiko.” Kaha shimbu ngwapwile na kulomba, ngwamwene nge wii... nge lilata mokomoko lihina kushikumuka. Ngwejivile Ikiye nangukane yami.

²⁴⁶ Jino, chize chapwile chuma chachikalu kaha lwola lwalupi muchiyoyelo chami. Omwo Ngwakatukile nakutala hali ikiye, kaha Ngwashinganyekele... Satana ahakile muvishinganyeka vyami, “Chamwaza, kumana mwosena omu unatanga chikuma ngana, kaha jila omu unayoyela, kaha jino omwo chineza hali kemba, Ikiye kukusawisa nakukukana?”

²⁴⁷ Kaha Ngwambile ngwami, “Chize chakwoloka. Kachi ikiye mwahona kulwila kemba yami, kahajino Kangweshi...” Ngwemanyine. Ngwa—Ngwahonene nakutachikiza mwakulingila. Kaha jinonyi Ngwambile echi, Ngwambile ngwami, “Mwata, Ove wanguhanyineyo yami kaha Ove unamumbate, kukisula chiyenga ku Lijina lya Mwata! Kachi Ove umbate nayaminawa, Nangukuzanganga lika Ove.”

²⁴⁸ Kaha Ngwahakile livoko lyami hali ikiye, Ngwambile ngwami, “Vakukisule ove, muchimawami. Tata atondanga kukusangula ove, namuchima wami wosena Ngwatondanga kukusangula ove, nakukukulisa ove kumuzanga Mwata. Oloze Vangelo valinakukwijila ove, muchimawami. Tata mwaya nakumbata mujimba wove waundende nakuusavalika na kuwuhaka mumavoko a Mama. Nanguya nakumifujila hamwe na ikiye. Likumbi limwe Tata mwakamiwana, ove vandamina kaha kuze na Mama.”

²⁴⁹ Omwo naye apwile na kufwa, ikiye ngwenyi, mazu amakumishilo ngwenyi, ikiye ngwenyi, “Bill, twama muwande.”

²⁵⁰ Ngwambile ngwami, “Nanguya...” Ikiye ngwenyi... Ngwambile ngwami, “Kachi Yami nangupwa muwande omwo Ikiye mwakeza, Nangukaya na kumbata vanyike na kuliwana nenyi. Kachi nge nduma, Nangukaya nakukufunda kusali yayove. Kaha ove yako kuchihanda cha kulivoko lyachilyo cha chikolo chachinene, kaha omwo naukamona vakiko vosena kwingila, kemane kuze na kuputuka kutambakana, ‘Bill! Bill! Bill!’ helu chikuma omwo mwosena naukahashila. Nangukakuwana kuze.” Ngwamusweswenyene ikiye wawawe.

Yami nguli kuchihela jita nalelo. Echi chinapunga pamo hakamwihi na myaka twende kufuma haze. Ngukwechi likumbi na pwevo lyami, Nangukaya nakumuwana ikiye.

²⁵¹ Kaha Ngwambachile uze kemba wamundende, omwo afwile, na kumuhaka mumavoko anaye, kaha twatwalile kuchimbumbi. Kaha Ngwemanyine kuze na kwivwa Ndumbu walunga Smith, uze mukakunangula wamu Mesondisiti uze anangwile chililo, “Wuto ku wuto, kaha lukungu ku lukungu.” (Kaha Ngwashinganyekele, “Muchima ku muchima.”) Nomwo ikiye ayile.

²⁵² Kahashimbwile kufuma hazeko, Ngwambachile wamundende Billy nakumutwala haze chimene chimwe. Ikiye apwile kanyike wamundende. Ikiye apwile . . .

²⁵³ Ou ukiko mulonga ikiye akakachila nayami kaha Ngwakakachila naikiye, Ngwatela kupwa mwosena Tata cheka Mama (mwosena) kuli ikiye. Ngwambachilenga mulondo wenyi waundende. Etu katwahashilenga kupwa na kakahya naufukuko nakulama mavele eyi azuma, kaha Ngwauhakilenga munyima yami mangana apwenga azuma kufuma kukuzuma chamujimba wami.

²⁵⁴ Etu twakashiwa hamwe nge masepa, kaha likumbi limwe hamakumbi awa omwo Nangukaya na kufuma muwande Ngwakutonda ngukamusele ikiye eli Lizu, kaha ngukambe, “Twalilaho, Billy. Yako ukatwame Nalyo.” Vathu vamwe veji kuli komokela ngwavo mwomwoika Ngweji kumumbatanga lwola lwosena. Kangweshi kuhasa kumusuvako. Ikiye nambate na kumbata, oloze Nguchili nakwanuka ikiye angulwekele yami, “Twama na ikiye.” Kaha etu twatwama hamwe nge masepa.

²⁵⁵ Nguli nakwanuka kutambuka na kujinguluka mutauni, na mulondo mukahwa kami, ikiye mwaputuka kulila. Ufuku umwe ikiye apwile . . . etu twapwile nakutambuka kunyima ya yati yetu kuze twapwilenga . . . (Omwo apwile tele hakamwi nakumusema ikiye, ikiye apwilenga na kuhwimasana, kaha Ngwa . . . kupwa kanyike wapwevo, munatachikiza.) Kaha Ngwapwile na kwenda kuya nakuhilukamo kufuma kumutondo wamwaka wakunyima yayayti. Kaha ikiye apwile na kulila kutonda Mama yenyi, kaha Kangwapwile na Mama okwo nangumutwala ikiyeko. Kaha Ngwamuvelekele ikiye, Nangwamba ngwami, “Mamalelo, uchi wami.” Ngwambile ngwami . . .

²⁵⁶ Ikiye ngwenyi, “Tata, mama yami alikulihi? Ove wamuhakanga muze mumavu?”

Ngwambile ngwami, “Nduma, uchi wami. Ikiye alikanawa, ikiye ali Mwilu.”

²⁵⁷ Kaha ikiye ngwenyi chuma chimwe haze, nge chakungujiha yami, chongoloshi chimwe. Ikiye apwile na kulila, chapwile nge chongoloshi chahama voko wii, kaha Ngwapwile na

kumuveleka kunyima yami nge *ngana*, kumuhaka hachifwiji nakumuvendejeka ikiye *ngana*. Kaha ikiye ngwenyi, “Tata, ngwasakwila yako ukambate Mama umunehe hano.”

Kaha Ngwambile ngwami, “Uchi wami, Kangweshi kuhasa kumumbata Mama. Yesu . . .”

Ngwenyi, “Chamwaza, mulweke Yesu angutumine mama. Ngwamutondo ikiye.”

²⁵⁸ Kaha Ngwambile ngwami, “Chamwaza, uchi wami, Ngwa . . . yami na ove natukaya nakumumona ikiye lwola lumwe.”

Kaha ikiye aholele, ngwenyi, “Tata!”

Kaha Ngwambile ngwami, “Eyo?”

Ngwenyi, “Ngwamono Mama uze hamavwi.”

²⁵⁹ Mamayami, chize chatondele kungujiha yami! Ngwashingtonyekele, “Mamayami! ‘Ngwamono Mama helu haze hamavwi.’” Ngwahetele akamwihi na kulezumuka. Ngwamukumbachile ou wamundende mutulo yami nge *ngana*, kaha ngwanongamine mutwe wami hamavu, twayile nakwingila.

²⁶⁰ Makumbi ahichile. Kangahashile kuvulyamako chize. Ngwesekele kuzata. Kangwahashile kuya kwimboko, lize kalyapwile limboko chekako. Kaha Ngwatondele kutwama. Etu katwapwile nachuma chekako shina vize vitwamo vyamwaka vyakuhokojoka, oloze kwapwile chuma chimwe chize ikiye na Yami twasuulukilenga nacho hamwe. Lize lyapwilenga limbo.

²⁶¹ Kaha Nangwanuka likumbi limwe Ngwesekelenga kuzata milimo ya public service. Ngwayile na kukasa jitambo ja kusecondary jamwaka, japwile nakunyengela, chize chapwile vene chimenemene. Kaha Ngwanyinyine eyi kulusu. (Kaha Ngwahonene kumusulula uze kemba. Ngwamwene uze puwami alinakuya, nauze kemba alinakuya, kupwa nge kachuma kakandende.) Kaha Ngwapwile kuze vene, kaha Ngwapwile nakwimba, “Haze hapili helu chikuma hahasuku, kwemana Kulusu yakufukuluka yamwaka.” Kaha jize jitambo jakwingila kusali ya transformer jafuminemo nakuya nakwingila mu (munatachikiza) kusecondary. Kaha Ngwapwile kuze nakunyengela hajikiko. Kaha chasolokele Ngwatalile, kaha uze musana wapwile nakulovoka kunyima yami. Kaha kuze, mavoko ami akutanduuka kaha chinjikizo cha Kulusu ha—ha kuze kusali ya pili. Ngwashinyekele, “Eyo, yapwile shili yami ikiko yamuhakile Ikiye haze.”

²⁶² Ngwambile ngwami, “Sharon, uchi wami, Tata alinatonda kukumonako chikuma, uchi wami. Omu nanguzanga kachi Nangukukwata ove nakukusata mumavoko ami cheka, ove sepa lyami chuma chachindende.” Nguli ukawami. Munahichi vya lumingo. Ngwakokele mangulovu ami andundu. Kwapwile

twende seli handulendi ya kahya kakezi kapwile na kuhita mujize jitambo kusali yayami. Ngwakokele cheka ngulovu ya ndundu. Ngwambile ngwami, “Kalunga, Ngwajinda kulinga echi. Yami ngumuka woma.” “Oloze, Sharry, Tata mwakaya nakukumona ove na Mama mujiminyutu jajindende.” Ngwaputukile kukoka ngulovu yami, mangana kuhaka livoko ha twende seli handulendi kahya kakezi. Katelele kuhokola. . . Mwomwoika, ove kaweshi kuhasa chipwe kupwa na manyinga mukachi kayoveko. Kaha shikaho Ngwa—Ngwa—Ngwaputukile kukoka ize ngulovu na kuyifumisa, kaha chuma chimwe chasolokele. Omwo Ngwejile ku, Ngwatwamine ha mavu na mavoko ami mwilu nge *ngana*, kumeso ami, kulila. Chize chapwile likoji lya Kalunga, mokomoko kachi kangwashileko numba kupwa kutanga chakuhindula hano, Yami ngunakunyuka hali chize. Echi chikwechi Ikiye kukinga wana Wenyi, keshi yamiko.

²⁶³ Ngwaputukile kuya kwimbo. Ngwechele, kutulikile vinoma vyami. Kaha ngwakindulukile, Ngwambile ngwami, “Nanguya kwimbo.”

²⁶⁴ Ngwaputukile kujinguluka zuvo, kaha Ngwambachile mukanda muzuvo, nge watute, kaha Ngwengilile mukachi. Etu twapwile na kapete kamwe kakandende, Ngwapwile nakusavala ha kahela kakandende, kututa chapwile na kwingila, kaha lize lijiko lya mwaka. Ngwambachile uze mukanda kaha Ngwatangile muli uze mukanda, kaha chuma chatete chapwilemo chapwile mali angishimashi, eyiti ngwee, “Wakuhona kusomboka Sharon Rose Branham.” Chize nawa, chosena cheka.

²⁶⁵ Ngwapwile ngemukati. Ngwolovelele na kumbata uta wami, pishito, kufumisa mungonga yacho. Ngwambile ngwami, “Mwata, Kangwe—Kangweshi kuhasa kuyalika nganako, Yami—Yami nangufwa. Nguna—Nguna yanjiwisa chikuma.” Ngwakokele muveto wacho hanyima muuta, kuwuhaka kumutwe wami, kufukama haze hakahela mukapete kamilima. Ngwambile ngwami, “Ove Tata Uli Mwilu, Lijina Lyove valilemese. Wangana Wove wizenga, Mwaya muchima wove mulingike,” kaha omu ngwesekele, kaha Ngwakokele kaze kalilimi nangolo josena nge omu Ngwawashile kulinga, Ngwambile Ngwami, “hamavu nge Mwilu nawa. Tuhane etu likumbi lya lelo kulya chetu.” Kaha kawavumineko!

²⁶⁶ Kaha ngwashinyekele, “Ove Kalunga, Ove uli nakungu sanyula yami mutuvihandahanda? Chuma muka Ngunalingi? Ove kawechi nakungwechela yami nguhone kufwa.” Kaha Ngwambilile uta hamavu, kaha walozekele na kwasa muze mukapete. Ngwambile ngwami, “Kalunga, mwomwoika Ngwahonena kufwa na kufumako? Kangweshi kutwalilahoko lika. Ove watela kulinga chuma chimwe kuli yami.” Kaha

Ngwalimbukile na kuputuka kulila ha kaze kakandende, kamwaka kamajilo kahela kami.

²⁶⁷ Kaha kachi Ngwayanga na kusavala. Ngunahono kutachikiza nge Ngwasavalanga mokomoko chasolokanga ngachilihi.

²⁶⁸ Ngwazangilenga lwola lwosena kuya Kumulako. Ngwatondelenga aze matepa. Tata yami ahokwelenga vase tuvalu mumakumbi eyi aukweze, kaha Ngwatondelenga lwola lwosena limwe litepa hali aze matepa. Kaha Ndumbu walunga Demos Shakarian angulanjilanga yami limwe zau, lyatete Kanda lyehi (muchiyoyelo chami) nge ngana, limwe lya aze aku western.

²⁶⁹ Kaha Ngwashinganyekele Ngulinakuya nakushikumuka kuhita mu Prairie, na kwimba uze mwaso, “Kuze kuli liwilo lya litemba lya kuhokoka, chinjikizo hali utanga, ‘Chakulanjisa.’” Kaha shimbu Ngwayilenga ukawami, Ngwamwene litemba lya mwaka vanalifwiki, nge matemba amwaka, kaha liwilo lya kuhokoka. Eyo vene, chize chemanyineko chisaka chami chakuhokoka. Kaha omwo Ngwapandamiko, Ngwatalile, kaha kuze kwemanyine—wamwaza vene, kanyike wapwevo, pamo namyaka yakusemuka twende, jikambu jitoma zuzulu na meso ausungwa, na vwale vitoma. Ngwatalile hali ikiye, Ngwambile ngwami, “Shangwenu mwane?” Nakutwalilaho kuya.

Ikiye ngwenyi, “Mwoyo, Tata.”

²⁷⁰ Kaha Ngwalumukile nakutala kunyima, Ngwambile ngwami, “Tata?” “Mwomwoika,” Ngwambile ngwami, “ika, Mujike, ove unahase. . . yami ngunahase kupwa nguiso litala ove uli namyaka yakusemuka yoyimwe na Yami?”

²⁷¹ Ikiye ngwenyi, “Tata, ove unahono kaha kutachikiza okwo uli.”

Kaha Ngwambile ngwami, “Ove wachitwale mulihi?”

²⁷² Ikiye ngwenyi, “Muno mukiko Mwilu.” Ngwenyi, “Ha mavu Ngwapwile wove wamundende Sharon.”

“Mwomwoika,” Ngwambile ngwami, “uchi wami, ove wapwile kemba wamundende.”

²⁷³ Ngwenyi, “Tata, vakemba vavandende kaveshi vakemba vavandende kunoko, vali vakuhona kufwa. Vakiko kaveshi kukashinakajiwako mokomoko kukula.”

²⁷⁴ Kaha Ngwambile ngwami, “Chamwaza, Sharon, uchi wami, ove—ove uli wamwaza, mukweze wapwevo.”

Ikiye ngwenyi, “Mama ali nakukuvandamina ove.”

Kaha Ngwambile ngwami, “Kulihi?”

Ikiye ngwenyi, “Kwilu kwimbo lyove lyalihya.”

²⁷⁵ Kaha Ngwambile ngwami, “Limbo lyalihya?” vaka Branham vapwa vakakututujoka, vakiko kaveshi na membo ko, vakiko

vapwa kaha. . . Kaha Ngwambile ngwami, “Chanwaza, Kanda lyehi ngupwenga na limbo, uchi wami.”

²⁷⁶ Ikiye ngwenyi, “Oloze ove ukwechi limwe kuno, Tata.” Kangweshi nge ngukembako, oloze chili chamwenemwene kuli yami. [Ndumbu walunga Branham mwalila—Muka.] Nge omu Nanguputuka kushinganyeka hali echi, kwijila chili lika nakwiza cheka. Ngwenyi, “Ove ukwechi limwe kuno, Tata.” Ngwatachikiza Ngukwechi limwe kuze, likumbi limwe Nangukaya kulikiko. Ikiye ngwenyi, “Nyi Billy Paul alikulihi, ndumbwami walunga?”

²⁷⁷ Kaha Ngwambile ngwami, “Chamwaza, Ngwamusezanga kuli pwevo lya Broy, minyutu yayindende kaha hanyima ha.”

Ngwenyi, “Mama anakutonda kukumona ove.”

²⁷⁸ Kaha Ngwalumukile na kutala, kaha kuze kwapwile jinganda jajinene, kaha Upahu wa Kalunga wapwile na kwiza hali vakiko. Kaha Ngwevwile lizavu lya vaka kwimba lya Vangelo kwimba, “Limbo Lyami, Limbo liyema.” Ngwaputukile kuzoza jitambo jajisuku, kulaha na ngolo josena nge omu Ngwahashile. Kaha omwo Ngwahetele kuchikolo, kukiko emanyine ikiye, na chikuto chitoma hali ikiye, jize jikambu jilava, jajisuku, kusulumuka mbwe na munyima yenyi. Akatwile mavoko enyi, nge omu apwilenga nakulinganga omwo Ngwapwilenga nakwizanga kwimbo nakuzeya kufuma kumilimo mokomoko chumachimwe. Ngwamukwachile ikiye na mavoko, kaha Ngwambile ngwami, “Uchi wami, Ngwamumono Sharon kuze.” Ngwambile ngwami, “Napu kanyike wapwevo wamwaza, nyi chiku?”

²⁷⁹ Ikiye ngwenyi, “Eyo, Bill.” Ikiye ngwenyi, “Bill.” Nahake mavoko eyi hali yami, (kaha ikiye ngwenyi) haze vene hachihwiji chami, Ikiye aputukile kungulembejeka yami, ikiye ngwenyi, “Echa kulizakamina hali yami na Sharon.”

Ngwambile ngwami, “Uchi wami, Kangweshi kuhasako.”

²⁸⁰ Ikiye ngwenyi, “Jino Sharon na Yami tuli kanawa kuhambakana yove omwo uli.” Kaha ngwenyi, “Kanda kalizakamina cheka etuko. Ove mungushika yami ngocho?”

²⁸¹ Kaha Ngwambile ngwami, “Hope,” Ngwambile ngwami, “Ngunapunga waushone hali ove na hali Sharon, kaha nawa Billy anakulila lwola lwosena kulilila ove.” Ngwambile ngwami, “Ngwahono kutachikiza mwakulingila na ikiye.”

²⁸² Kaha ikiye ngwenyi, “Nachiya nakupwa kanawa, Bill.” Ikiye ngwenyi, “Ngushike kaha yami nge ove kaweshi kulizakamina chekako.” Kaha ikiye ngwenyi, “Ove kaweshi kutwama hamavuko?” Kaha Ngwatalile kaha kuze kwapwile chitwamo chachinene.

²⁸³ Kaha Ngwanukile nge Ngwesekele kulanda chitwamo. Jino, mukusoka. Ngwesekele kulanda chitwamo lwola lumwe.

Etu twapwile navize vyamwaka—vyamwaka vitwamo vya mitondo kwishi ngwavo vyakulilaho kulya chachimene. Etu twavizachishilenga, vitwamo etu twapwilenga navyo kaha. Kaha twahashilenga kulanda chimwe chamuyachi ngana chakusachilaho nyima, nge ngana...Ngwavulyama muyachi wachitwamo kana. Kaha ndando yacho yapwilenga seveteni ndola, kaha naufwetako seli ndola nge kapopo kaha ha chalumingo ha chalumingo ndola yimwe. Kaha etu twatambwileko chimwe. Kaha, mamalelo, omwo Ngwejile nakwingila...Ngwazachile likumbi lyosena, kaha ngwatangishile palanga naufuku mujijila na kwosena okwo Ngwatangishilenga.

²⁸⁴ Kaha—kaha Ngwa likumbi limwe Ngwatambwile fweto yami. Kaha twahonene, kaha kwahichile likumbi hi likumbi, kaha makumishilo likumbi limwe vakiko vejile kaha vambachile chitwamo chami nakuya nacho. Uze ufuku, Kangweshi kauvulyamako, ikiye anguwahishilile cherry pie. Wakuhutwa wamundende, ikiye—ikiye—ikiye atachikijile nge Nanguya nakukwivwa kupihya. Kaha hanyima ya kulya chachingoloshi Ngwambile ngwami, “Ika unapwila wamwaza chikuma ufuku uno, uchi wami?”

²⁸⁵ Ikiye ambile ngwenyi, “Ngwenyi, Ngwalwekanga vanyike twalihata navo kukufulila ove ndulo jakulovesa. Ove kaweshi kushinganyeka nge twatela kuya muli ou kalwiji na kulovako vaishi chindende?”

Kaha Ngwambile ngwami, “Eyo, oloze. . .”

²⁸⁶ Kaha aputukile kulila. Ngwatachikijile nge kuli chuma chimwe chinahenge. Ngwapwile nachishinganyeka 'mwomwo vakiko vangutuminyine nakungulweka nge vakiko vali na kwiza nakuchimbata. Kaha etu katwahashile kupwa na ndola yakufweta ya chalumingo ko. Etu katwahashileko, katwahashileko. . .kuhasa kuchilanda. Ikiye ahakile mavoko eyi hali yami, kaha Ngwayile kuchikolo kaha kuwana chitwamo chami chinayi.

Ikiye angulwekele yami Kuze, ikiye ngwenyi, “Ove unanuka chize chitwamo, Bill?”

Kaha Ngwambile ngwami, “Eyo, uchi wami, Ngunanuka.”

Ngwenyi, “Chize chikiko ove wapwanga nakushinganyeka, nyi chiku?”

“Yaah.”

²⁸⁷ Ngwenyi, “Chamwaza, vakiko kaveshi kuhasa kumbata nachechiko, echi chakufwetela lyehi.” Ikiye ngwenyi, “Twama munyutu kaha, Ngwatondo kuhanjika nayove.”

Kaha Ngwambile ngwami, “Uchi wami, Ngwahono kutachikiza echi.”

288 Kaha ikiye ngwenyi, “Ngushike yami, Billy, ngushike yami nge kaweshi kuhasa kulizakamina chekako. Ove uli nakukinduluka jino.” Kaha ngwenyi, “Ngushike yami nge kaweshi kalizakamina ko cheka.”

Kaha Ngwambile ngwami, “Kangweshi kalinga muzeko, Hope.”

289 Kaha jino haze vene Hinangwiza, muze mukapete mwapwile milima. Ngwatalile talile, kaha Ngwevwile mavoko eyi hali yami. Ngwambile ngwami, “Hope, ove uli muno mukapete?”

290 Ikiye aputukile kungufuma. Ikiye ngwenyi, “Ove nauya kulama luze lushiko, Bill? Ngushike nge kaweshi kumbatako. . . kulizakamina cheka chiku.”

Ngwambile ngwami, “Nangukushika ove.”

291 Kaha omwo nangulembejeka kavali chipwe katatu, kaha ikiye ayile. Ngwatumbukile helu na kwalukuka ku kumunyika, kutala kwosena, ikiye nayi. Oloze ikiye kalinwaha nalovoka mukapete. Ikiye kayileko, ikiye achili nakuyoya. Ikiye apwile Mukakulishitu.

292 Billy na Yami twayilenga kuchimbumbembe lwola lumwe kunyima, kukasa tujitemo twanaye na ndumbwenyi wapwevo, ha chimene cha Paseka, kaha twechele. Uze kanyike wamundende aputukile kulila, ikiye ngwenyi, “Tata, mama yami ali mwishi muze.”

293 Ngwambile ngwami, “Nduma, uchi wami. Nduma, ikiye keshi muze ko. Ndumbwove wapwevo keshi muzeko. Etu tukwechi vyakuvunga muze muchimbumbembe, oloze kusali ya kalungalwiji kuze kikiko kuli chimbumbembe chakufukunuka kuze Yesu asangukile. Kaha likumbi limwe Ikiye mwakeza, Ikiye mwakaneha Ndumbwove wapwevo na Mama hamwe na Ikiye.”

294 Yami nguli muchihela cha jita, masepa. Kangwe—Kangweshi kuhasa kukulweka mwekako. Ngwa. . . [Ndumbu walunga Branham mwalila—Muka.] Kalunga amikisule. Echeni tunongamenu mitwe yetu ha munyutu.

295 Ove Mwata! lwola Lwaluvulu, Mwata, Yami ngwakunyuka nge vathu kavevwushisako, omwo vakiko navashinganyeka nge evi vyuma vyeza mujila yawashi. Oloze kuli likumbi limwe lyalinene lili nakwiza omwo Yesu mwakeza na osena awa maushona na vakawahunda. Ngwalombo, Tata wa Mwilu, nge Ove utukafweko kaha unyenga na kutuwahisa.

296 Kaha luze lushiko lwamakumishilo, omwo Ngwamusweswenyele ha likili lyenyi chize chimene, nge na Ngukamuwana ikiye ha likumbi lize. Ngwafwelela ikiye mwakemana kulivaya, kutambakana ha lijina lyami. Nguna yoyonga mwamuchano kuli luze lushiko kufuma haze, Mwata, muno mukaye, muvihela vyakulisezaseza, kweseka kuneha Mujimbu wamwaza. Kushinakajiwa jino, kuzeya, Yami

ngwakumu. Likumbi limwe ha makumbi awa Yami nanguya na kufwika Mbimbiliya chamakumishilo. Kaha, Kalunga, ngulame mwakushishika ku lushiko. Lama likoji Lyove hali yami, Mwata. Kanda ami nangutala ha vyuma vya chinyoyelo, oloze kuyoyela havyuma vili kulutwe. Ngukafwe yami kupwa wakushishika. Kangweshi na kulomba kahela kajitemoko kakashi ko, nduma, Mwata, ohonyi Kulishitu afwile kuze mukuyanda. Kaha vosena navakiko vafwile mwomumwe. Kangweshi nakulomba chuma chawashi. Echa kaha ngupwenga wakushishika, Mwata, wa mwamuchano. Echa vathu vanguzange yami mangana Nguvatwaminyine kuli Ove. Kaha likumbi limwe omwo navikahita kaha etu natukakunguluka nakujinguluka mwishi yamitondo yituta, Ngwakutondo ngukamukwate ikiye kulivoko na kutambuka nenyi, kulweka vathu vaku Tembele ya Angelus navosena nawa. Nalukapwa lwola lwalunene vene.

²⁹⁷ Ngwalombo nge jikeke Jove jitwame hali etu vosena hano. Kaha ava vali hano, Mwata, pamo kavakwijivako Ove. Kaha pamo vakiko vakwechi vamwe vavandende vazanga kusali ya chijiva. Kachi nge vakiko kanda lyehi vazalishiwe jishiko javo, echa vakiko valinge ngocho jino, Mwata.

²⁹⁸ Shimbu tuli namitwe yetu yakunongama, Ngwahono kutachikiza nge muli eli lizavu lyalinene muzuvo yayinene mu chingoloshi, vangahi muli enu navamba “Ndumbu walunga Branham, Ngwatondo kaliwana nawami umwe ngwazanga, nawa. Ngu—Ngu—Ngukwechi umwe ngwazanga kusali yauze kalwiji”? Pamo ove walingile lushiko nge naukaliwana navo, pamo omwo wamukwekele Mama “mwoyo wove” kuze kuchimbumbembe lize kukumbi, pamo omwo wamulwekele ndumbu wapwevo wamundende “mwoyo wove,” mokomoko Tata, mokomoko vamwe kuze kuchimbumbembe, washikile nge naukavawana vakiko, kaha ove—ove kaweshi nakuliwahisako. Kaweshi kushinganyeka nge luno hilwola jino lwamwazako lwakuchilinga?

²⁹⁹ Ngukonekelenu yami haku hokola. Oloze, mamalelo, yami, ove kawatachikiza nge, sepa. Ove kawatachikiza owo—owo mulambu! Keshi nge koma kakandendeko, nge kujinwoka, cha mujimbu wachiyoyelo.

³⁰⁰ Vangahi muli enu navazanga kukatuka jino na kutambuka nakwiza kuno na kulomba, nakuhanjika, “Ngwatondo kuliwana navavami vakuzanga”? Katuka nakufuma mulikungumbuwa na kwiza kuno. Munahase kuchilinga echi? Kachi nge muthu umwe kanda lyehi aliwahise. Kalunga akukisule, mwane. Ngwamono na wakukula lyehi mulatu kwiza, naveka kwiza. Tambuka ove lyavene, nenu muli mukapete kahelu, tambukenu nakulovoka mwizenga muno mulikungumbuwa. Mokomoko imana, ove unatondo vakwanuke mulizu lya kulomba hano vene. Muze mukiko. Imana hano vene na mahinji ove. Chize chamwaza. Imana, kwosena okwo muli, enu namuhanjika

ngwenu, “Ngukwechi Tata kusali kuze, Ngukwechi mama mokomoko umwe wakuzanga kusali kuze. Ngwatondo nguyenga ngukavamone. Ngwatondo kuliwana navo mukuunda.” Enu munahase kukatuka, imana kaha kumahinji ove, kala kwosena okwo uli mulikungumbuwa. Imana na mahinji ove, hanjika, “Ngwatondo kutambula.”

³⁰¹ Kalunga akukisule, mwana pwevo. Kalunga akukisule ove uli kunyima okwo. Kaha akukisule ove helu oho. Mwata akukisule ove aha, mwane. Echi chakwoloka. Helu omwo mukapete kahelu, Mwata amikisule. Vosena mwajinguluka, kwosena, imana kumahinji enu jino tupwenga na lizu lya kulomba, shimbu shipilitu wajila ali hano na nakutambuka hamichima yetu, ku—ku—kuhokola echi.

³⁰² Munatachikiza, chuma chinakutondeka muliuka lelo shina kuhokojoka. Etu twatondeka kuya ku Zuvo ya Fuli. Kunjinjila cha kunangula chetu chakutunga hamembo lwolalumwe kachazata kanawako. Chuma chili nakutondeka shina kuhokoka chamwaka, kwalumuka chakupihilila mukachi kamichima yetu, kutambula kuhya kufuma kuli Kalunga. Echi chikiko kaha chinakuputuka kwimana?

Echa etu tunongamenu mitwe yetu jino tulombe.

³⁰³ Ove Mwata, Ove wanehele cheka Yesu ha...kufuma kuvafu, kuneha kutuvulukila kwoloka etu vosena ha lufwelelo, kufwelela. Ngwalombo, Mwata, nge ava vanemana jino hamahinji avo nakukwitavila Ove, Ngwalombo nge kuvakonekela chipwe kuli vakiko. Kaha, Ove Mwata, Ngwalombo nge vakiko navakwitavila Ove nge Mulwilo na Mwangana na Wakuzanga wavo, kaha pamo vakiko vakwechi mama mokomoko tata mokomoko muthuumwe ali kusali ya chijiva. Kuli chuma chimwe chili chamwenemwene, vakiko vakwechi Mulwilo. Echa vakiko vavakonekele jishili javo, na upapwoki wavo wosena vaufumise, mangana myono yavo pamo vayikose mu Manyinga amwana Mukoko, kaha vakiko vayoye mukuunda kufuma hano.

³⁰⁴ Kaha likumbi limwe lya upahu omwo vyosena navikahita, echa tukakunguluke ha Zuvo Yove, kaha kupwa kuze nge jitanga jakuhoko joka, kuliwana navaze twazanga vaze vali nakuvandamina kusali ikwavo. Echi, etu twachihane kuli Ovo, nge “Ove naumulama ikiye mukuunda cha kukupuka uze akwechi muchima wenyi hali Ikiye.” Tuhanecho echi, Mwata, nge omu etu tulinakuvahana kuli Ove. Mu Lijina lya Mwana Nove, Mwata Yesu. Amena.

³⁰⁵ Kalunga amikisule enu. Yami ngwafwelela nge vakakuzata talenu kanawa okwo enu munemanyina, kaha vakiko navapwa nayenu muminyutu yayindende.

³⁰⁶ Kaha jino kuli vaze vali nakuya nakutambula makate akulombelela. Billy, Gene alikulihi na Leo, vakiko vali kunyima?

Vakiko vali kuno mangana vahane makate akulombelela muminyutu yayindende. Ndumbu walunga mwaya na kusanda eli lizavu mukulomba, kaha makate akulombelela navaya nakuwahana. Etu natukinduluka kuno mukalwola kakandende, kulombelela vakakuviza. Chosena chakwoloka, ndumbu walunga.



MUJIMBU WA CHIYOYELO CHAMI LVE59-0419A
(My Life Story)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na musana, Kambambanalisa ha 19, 1959, mu Tembele ya Angelus ya mu Los Angeles, mu California, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org